

列女

節孝

貞烈

賢淑

藝文

疏

論

書

序

表

宜陽縣志

列女

中州禮義之邦婦人女子亦多砥勵名節貞潔自守衛共姜  
宋伯姬其流風餘韻載在編冊詠諸詩章者可誦也宜陽僻  
處山陬夙遵召伯之教召南諸作十九婦人之章多露防行  
小星知命要皆如玉自珍爭先以潔白相期其所以扶持人  
紀者千載常昭矣今卽三代云遙兩漢以降名媛芳型亦多  
難追述而其處義從容歷萬變而各得其正者不得謂卽今  
非古也昔劉向作列女傳范史綜其成事迹爲列篇是可仿  
諸志列女

節孝

晉

彭娥

龍屋保彭氏之女也永嘉之亂娥負器出汲聞賊至走還賊驅之溪邊有峭壁高數十丈娥大呼曰皇天有神我豈受辱於賊耶以首觸石山忽墮數丈娥趨入賊逐之

山復合賊皆磔死娥不知所在遺器化為石形似雞因號曰石雞山女娥潭云

元

秦氏二女

逸其名父有危疾醫云不可療姊乃閉戶默禱鑿其胸和藥以進父飲之遂愈後復病妹割股置粥中父少啜即甦狀聞詔旌之

明

杜氏

陳忠妻年二十夫死遺腹生男復禮氏誓死不嫁奉姑盡禮教子有方洪武十三年復禮以孝弟舉任宣城知縣移檄宜陽聞於朝旌其門互見詳舉

馬氏

龍屋里馬十九之女兒年二十五適蔡故中出入甚有儀則四載夫亡哀號踰禮飲葬時子寬方二歲次子未週氏躬勸紡績以爲教養婚娶之資舅姑既歿一以禮葬之

知縣呂鑑以聞於朝詔旌其門

**劉氏**

舉人劉恭女年十六適馬瓊恪守婦道二十二歲而夫亡哀號三日不食封歛依禮孀居紡績奉養舅姑撫幼子敬成立遠近賢之正統八年旌

**海氏**

柴略里民海通女年二十歸馬貴生子浩一載而夫亡號不絕聲三日水漿不入口既葬食貧勤紡績無故足不履戶外雖族中長幼未嘗輕賄其面撫浩成立由貢生

任直隸石  
隸主簿

**馬氏**

坊廓保呂復性妻夫亡無子守節終身奉旌

**高氏**

生員翟朝相妻以節旌

**爨氏**

高橋谷守先妻守節奉旌

**甯氏**

周氏二氏任位之妾也位卒時方少艾竊縊死柩前周守節六十餘年卒旌曰貞烈同芳

**張氏**

坊廓保劉尚仁妻貞靜柔順備嫗女德年二十五夫亡欲以身殉之姑止之曰二子尚在襁褓當撫養之氏遂閉戶紡績誓不他適撫二子成立年九十餘卒

**布氏**

坊廓保張才妻守節旌其門

**邢氏**

石安保劉國正妻克盡婦道夫故氏年二十六誓不再嫁苦志紡績教子芳讀書入庠食餼以孝聞知縣紀汝情表曰悲鸞哺鳳

清

**魏氏**

祁州牧任繼長子任倫妻。年二十七而寡，無子。止生一女，未幾夫之二弟偉傑亦相繼亡。傑子政尙在抱，政母李氏亦亡。氏念政乃任氏宗嗣，所係苦節，自誓撫政不

遺。出糊口奉給所生女，竟至餓死。無怨言。日夜紡績供政讀書。後政登萬曆丙辰科，進士。事聞，贈節孝太恭人。

**楊氏**

衛屯沈應聘妻。夫早故，時饑，賴仍氏柘舟自矢，紡績爲生，撫子國璋。國璋敏，幸備嘗後。二子俱成立，孫建早年食餼，年九十二以壽終。

**馬氏**

坊高埠民張彥珍妻。夫故，氏年尙少，矢志守節。撫孺子從，孟成立，縣令表曰：貞節儀世。

**牛氏**

廩生劉芳妻。夫以守城勤苦病殞，氏矢志守貞，歷兵寇凶荒二十餘年，終始無間。幼子定鼎，孫猗輪皆，歷名庠序。知縣王鼎印表其門曰：貞節維風。

**覃氏 一門五世六節**

連庄生員覃一權之妻。李氏李養德之次女也。年十九生子大美，未卒而夫卒。翁姑俱沒，氏無所倚，寄食母家，撫孤守節。

歷七十八年而卒。子大美廩生，娶張氏，康熙五年大美卒，遺一子碩九，家貧甚。張氏紡績織屨以事孀姑。姑老病篤，氏親嘗其糞，味覺甘滑，氏卽痛哭，謂其不獲復事姑也。姑薨，氏營喪葬，如禮守節六十二年。壽九十九。本碩九亦邑廩生，其妻王氏夫亡，撫孀。去事孀姑，勤苦備至。姑病醫不效，氏割股肉烹之，以進。姑病尋愈。守節三十八年。壽八十二。壽碩九子允升同升，皆邑廩生。允升妻王氏年十八歲夫亡，氏厲石織死。孀姑亦憐絕氏，轉自慰曰：有老母在而孤兒未成立，是重貽親憂也。遂勤紡績以奉姑，守節四十

餘年同升妻彭氏康熙三十七年夫亡時氏年二十三歲婚痛其年少無子謂之曰能  
偕予以終老乎氏即剪髮以誓守節歷四十餘年縣令郭朝鼎合表其門曰四世五節  
干後單瑛之妻王氏年二十七歲夫亡姑孀子幼勸節勤苦人謂是其高  
曾祖姑俱以節聞而氏克紹其家聲也易四世五節匾額爲五世六節云

**張氏**

增生李執中妻柔順事親躬紡績佐夫讀書夫卒子幼誓不他適經兵變之後飲米茹藥始終不渝其志

**劉氏**

坊高里民許永印妻夫卒氏苦志守節屢經變亂皓首無異撫三子諫等成立知縣劉旌曰柏舟高節

**谷氏**

楊旌妻少年守節至死不變

**孫氏**

衛屯沈勇俊妻年二十四夫故子進在襁褓值闖逆破甘棠寨逼氏一馬罵詈不從爲賊所刃死半月復甦屢遭兵火卒能以節自終

**于氏**

廩生劉燭妻明末流寇破宜爛死氏負遺孤逃甘棠寨寨復破獨負孤兒涉河幾溺死走高橋寨避之賊平無以自給令甥某負機就人備織艱難保孤終不易志垂年

六十卒

**王氏**

歲薦王俊楨長女頗涉書史年十八歸杜振國越三載夫死子方歲餘堅志守節課子生棟入邑庠康熙壬子歲奉旌建坊

**王氏**

儒童裴九圍妻夫故氏二十七歲守節三十餘年奉旌入祠

**李氏**

韓城王日昌妻夫亡矢志不嫁氏時年二十一歲一日方哺食其父母遠來探之食

間謂氏曰汝年少無子老來將誰依氏驗箸大慟曰兒所以不死者爲夫無後耳長

媳將媿倘得男當乞以爲嗣再醮辱夫兒萬不忍爲也及媿

臨媿乃產雙女氏大慟氣絕而蘇憂鬱成疾以卒鄉人哀之

**張氏**

韓城里生員王之梅妻夫死遺孤復殤

**劉氏**

在城樊希聖妻夫死遺歲歎氏擄遺孤掘

**周氏**

草根以給食貞操益勵歷年四十而卒

**張氏**

在城劉雲振妻夫早亡氏數痛絕捐膏沐

**陳氏**

即娣媿未嘗通笑言悲慘成疾越九年卒

**董氏**

廣文劉燧妻善事舅姑嘗割股以

**單氏**

療疾二十年後人始知而表之

陳氏生楚有常妻年二十四而寡二子尙幼氏矢志堅貞孝事翁姑勤以治家嚴以教

子苦節五十二年壽七十六歲而終長子庠生芝次子貢生蘭之子奎光貢生蘭子

觀光觀光俱入庠人

稱節母之裕後云

董氏生員楚繩孫妻夫沒年二十七子三歲氏冰霜矢操勤儉治家撫遺孤

葦朝夕課讀教以義方荃後貢生氏守節四十餘年年今七十有餘

單氏庠生楚翹妻夫死年二十三子奕光方三歲氏勵志堅貞粗織自甘紡績度日上以

養孀姑下以供孤子讀書膏火之資奕光旋入庠生氏今八十三歲苦節六十年矣

楊氏

生員谷曜如妻善事舅姑年二十一夫亡遺三歲孤子瓊撫之教之後墮任江南金山二尹孫克明薦明經氏守節六十五年壽八十五歲而卒

茹氏

儒童谷晶妻性柔順年二十五夫故誓不再嫁事舅姑以孝撫姪爲嗣視如己出守貞四十一年壽六十五歲而卒

王氏

訓導張緒之子婦儒童元咎妻也夫亡氏年二十一十五矢志撫孤事翁克婦道苦節三十餘年

馬氏

生員許世隆妻夫故氏年三十冰心柏操守節凡三十九年而卒子天保甲子歲貢

馬氏

儒童劉墳妻夫故氏年二十家貧以織紡事姑有欲奪其志者剪髮自誓嗣幼姪撫之成立年今六十有餘學使張表其門曰苦節完貞

張氏

鄉民劉士謹妻家奇貧姑病臥床不起氏勤女工得錢以供湯藥三年無怠鄰里共稱孝婦

許氏

廩生張騰妻姑史得癱症臥床不起者十年並雙目失明氏朝夕奉養衣不解帶寢不安枕湯藥必先嘗之夫沒二子熙良縉良尙幼朝夕課讀惟謹厥後熙良入庠縉

良登歲屬氏年三至九十二歲而卒

陳氏

儒童許瑜妻夫亡氏年十八生子方五月翁姑年老無依氏勵志甚堅恪盡婦道翁故盡哀盡禮事姑愈勤教子嚴肅更倍於翁在時苦節三十餘年

郝氏

貢生胡騰鬻妻于歸六載夫亡遺有二子幼氏儉於治家勤於教子子景恒早入庠苦節凡三十年學使鄒表之



**胡氏**

儒童吳爾遇妻夫亡遺一子尚幼越兩年子復殤氏操節愈堅苦節二十五年而卒縣令王褒之

**程氏**

武進士程億之女年十九適陳早學數月夫亡氏守志堅定善事翁姑通府馬題其門曰貞以孝全年今七十有四

**翟氏**

舉人何執中妻夫死氏時二十六歲治家嚴肅延名師課子常訓以寸陰是惜長子朝華次子朝恆俱入庠三子朝岱亦掇武魁里黨咸歸本母教云

**趙氏**

鄉民王人祿妻夫死年二十五家貧一子愚贊無知氏苦節三十五年而卒

**于氏**

鄉民張希堯妻夫亡年二十無出撫姪爲嗣苦節自甘潔若冰雪年今五十八歲縣令祖旌之

**劉氏**

鄉民張希仁妻夫亡子幼堅志守節垂四十年卒

**劉氏**

許天佑妻年二十二生子甫八月而夫亡氏欲殉夫自縊者三家人救之得甦卒茹苦守節五十餘年

**吳氏**

庠生高禮妻年十九于歸舅年已老素有痿疾氏躬侍湯藥克盡敬慎舅亡未幾夫旋亡繼姑年老叔幼孤子心一氏孝友義方兼盡其道孀居三十四年里人莫不以

孝友  
賢之

**汪氏**

王廷妻年二十一生子纘僅兩月夫亡氏立志不渝斷髮破面守節五十年學憲林旌曰堅忍成名

**穆氏** 童育妻年二十國夫亡無出僧媳氏守節  
以延宗祀艱苦備嘗迄無異志壽七十二歲

**樊氏** 李○彩妻年二十歲夫亡舅姑年已老遺腹子塌家  
兼貧氏紡績以奉親撫孤孝慈兼備守節五十餘年

**石氏** 鄉民晏有奉妻夫亡年二  
十一子三歲立志苦守

**王氏** 鄉民盧振家妻年二十夫亡立  
志堅如金石苦節五十年而卒

**戴氏** 運庄張士教妻夫亡無子家極貧鄰人勸之改嫁氏  
剪髮以誓義勸之即自縊得救不死苦節三十餘年

**張氏** 土庚辰妻年十九歲夫亡撫三月孤子堅志守  
貞翁姑年老多疾氏奉事尤謹苦節踰三十年

**李氏** 劉綰妻夫死年二十九家貧翁姑年老織紡爲養竭  
力殯葬撫遺孤雲典入庠諸艱備歷守節六十餘年

**費氏** 劉思振妻十七歲于歸夫遽得顯疾父貢生冲輪亦以憂子成疾氏曲意承歡奉事  
惟謹越五年夫亡而翁姑相繼卒氏艱難撫孤嵩岩既娶媳生孫甫瞭而嵩岩又卒

氏與媳俱  
稱苦節云

**李氏** 生員劉雲生妻夫亡守節課子元福入庠子又早亡  
與媳陸氏撫育姪孫爲嗣姑婦完貞苦節四十餘年

**強氏**

劉雲騰妻生子元祺方五月夫亡苦志守貞撫孤成立與妯李氏并稱雙節云

**陳氏**

劉澤妻夫死年二十六苦節自貢竭力孝事兩姑撫孤延壽成立縣令祖旌其門已節孝可風

**劉氏**

趙定邦妻年十八夫故遺孤宗坡生纒踰月翁姑衰老庶母弟與邦甫時氏仰事俯育艱苦萬狀迨翁姑營喪葬如禮庶弟暨子亦俱成立氏苦節歷四十年

**韓氏**

陳爾談妻夫死年二十一苦志守節迄今四十九年署縣劉旌其門曰苦節凌霜

**崔氏**

儒童楊大賓妻夫亡二十七歲苦志守節撫養幼子年至六十而卒

**黃氏**

儒童吳廷瑞妻夫亡年十七至七十二歲完節而卒縣令王表曰節孝可風

**楊氏**

儒童葛亮訓妻夫亡年二十一苦節三十二年

**楊氏**

李元長妻年二十喪夫無出將絕粒以殉姑知其意爲立長門次子鶴昌嗣其夫氏撫嗣子守節四十五年矣

**焦氏**

生員張書達妻年十八于歸越七載而寡遺子三人俱幼氏事姑曲盡孝道教子有方長子梓入庠氏卒時七十歲

**劉氏**

生員張書簡妻二十一歲喪夫所遺一女上有孀姑氏孝慈備至嗣子模已太學氏卒時年六十九

何氏

儒童張氏質孝年二十夫亡孀居四十餘年  
勸志冰霜訓子棟入太學氏年今六十有六

張氏

鄉民王祿壽妻姑歿每食必供奉如生時逢朔望  
日侍坐神主旁終日涕泗不食人以賢孝稱之

水氏

生員杜桂夷事翁姑克孝姑病危諸藥不效氏於  
暗室割左股雜湯藥進之姑病遂愈越四年而歿

杜氏

儒童趙珩妻夫亡年十八孀姑七十三歲族人以改志試之氏曰吾夫伯兄亡妯娌  
改嫁次兄亡妯又改嫁吾夫不能盡孝養於生前吾忍不代夫終孝養於歿後痛哭

誓死不嫁苦節至  
三十六歲而卒

張氏

儒童劉一師妻于歸甫七日夫亡氏冰霜矢操誓不再嫁奉孀  
姑幽靈孝道三十餘年雖炎暑隆冬不輟織紡苦節如一日

王氏

儒童趙機妻于歸三月夫病卒湯藥曲盡婦道越二年夫  
卒氏年十八無出立志不嫁奉養孀姑苦節三十五年矣

鎖氏

鄉民張純古妻二十七歲夫亡子八齡翁姑  
年老氏養親撫孤完貞守志年今六十有二

劉氏

鄉民趙麟妻夫亡年二十七子方七齡翁姑俱老氏毀容破面以示無他  
仰事俯育苦節五十四年而卒壽八十一郡守沈以節茂松筠旌其門

王氏

生員趙曉妻于歸三載夫歿年二十一姑老  
子幼氏斷髮誓舟以終其節至六十四歲卒

**趙氏**

儒童周溶妻年歸二載夫病臥不起氏奉事朝夕不怠及二十三歲而夫卒遺一女無子氏立志堅守嗣一姪撫之成人苦節三十七年年今六十

**樊氏**

儒童何九思妻二十四歲而寡家赤貧子幼姑老氏以紡績爲生屢遇荒歉備嘗艱苦姑之生養死葬皆氏竭力營之子德隣生隣俱已成立年今七十有餘乾隆五年

邑侯梁表其門

曰冰潔怡親

**陳氏**

上有天妻夫亡年二十一子仁純甫碎翁姑俱老氏堅志守節養老撫孤持家有法內外嚴肅於今三十餘年

**宋氏**

儒童趙之元妻夫亡二十三歲子未週氏堅志守節撫子安國入庠氏卒時五十六歲

**劉氏**

生員金之華妻年二十五夫亡撫遺孤南成立南入泮後尋又亡二孫皆氏育之苦節三十五年而卒

**李氏**

儒童葛亮妻夫亡年二十九無子誓死不嫁以姪維承嗣撫育之如己出至七十八歲而卒

**劉氏**

鄉民楊廷忠妻年十七于歸二十夫亡翁姑俱已踰七旬家極貧氏竭力奉養翁姑相繼歿將鬻其子爲殯歛資鄰里感其節孝釀金助之苦節五十四年

**姚氏**

監生張永慶母年十八歸張夫亡年三十事病姑親湯藥者二載所以身代姑亡撫育弱子訖無異志年今七十九歲學憲林以冰操勸世獎之

**亦氏**

鄉民樊統秀妻夫亡年二十五子幼氏守節五十餘年年八十一歲而卒

王氏

儒童陳輔妻夫亡年二十一歲  
遇氏苦節五十年七十五歲而卒

魏氏

鄉民張備蘊妻嫁未及期而夫亡年二十一  
有遺腹一子誓不易志至七十二歲而卒

于氏

鄉民王化民妻夫亡年二十無出姑已老家  
又赤貧朝夕紡織以供衣食苦節二十餘年

趙氏

鄉民王宏家妻二十一歲喪夫子未歸氏苦志守節  
恪盡婦道卒時年五十四邑令梁以節孝旌表其門

季氏

鄉民周永泰妻年二十八夫亡生子  
未葬氏苦志守節今七十二歲矣

李氏

鄉民張珍妻二十而寡遺子吉秀生甫兩月家  
極貧有勸其改志者誓死不從年今五十五歲

王氏

儒童王夢驥妻二十五歲而寡苦  
志撫孤備歷艱辛年六十二而卒

劉氏

鄉民張錦妻三十而寡夫兄欲改嫁之  
氏持刀畫面以明其志年七十三而卒

羅氏

鄉民唐文德妻二十一歲而  
寡苦志守節年今六十有八

翟氏

鄉民張起祥妻夫亡年二十四子方二歲夫之前妻劉氏  
遺子五歲家極貧氏紡績以育二子守節四十餘年而卒

**王氏**

鄉民吳奠妻也年十八適奠二一三歲而奠卒子三歲奠病不起慮其年少子幼不能守也微諷之曰我死無日矣父母誰爲養之幼子誰爲育之氏涕泣答曰伉儷數

年猶相疑耶越二日奠卒氏號呼擗踊欲以身殉戚屬勸之曰爾死得矣謂舅姑何謂幼子何氏勉從之勵志益堅事翁姑益謹孤燈熒熒紡績以育遺雛氏年今五十餘矣

**許氏趙氏**

庠生吳冲雲妻年二十五夫亡遺子英四歲乏一歲氏堅心守節課二子讀書俱入庠壽七十二歲而終其次孫元福娶趙氏年二十夫亡遺子崑甫一

齡氏父庠生趙瑯聞元福訃來哭之因謂氏曰爾遭際至是命也氏哽咽曰上有兩世孀姑下則子姪俱我將焉往耶時許年已就衰里人稱爲一門兩節

**張氏田氏**

鄉民葉平妻夫亡二十二歲葬夫祖如禮事舅姑就養無方下撫遺孤恩義兼盡雖艱苦備嘗終身不改其操平弟川妻田氏年十九川死以身殉之縣

令沈表其門  
曰孝節雙全

**陳氏**

吳連妻夫亡年二十五斷髮破面貞節自矢年七十二歲而卒

**李氏**

儒童王膏民妻年十八適王越四載夫亡子三歲孀姑在堂孝養備至一切井臼操作皆躬親之課其子令一聽伯父約更稍不遵必加懲楚不假以辭色子質已入邑

庠

**李氏**

儒童馮恪妻年十八于歸越二載夫亡生子方彌月姑憐其貧且寡時慰藉之氏曰有姑可事有子可教貧何病焉業針黹躬井臼奉姑終老訓子入於庠學憲林以苦

旌其門

趙氏王氏

庠生水吉元母性嚴正孀居之日訓子治家俱有法季子吉士年十八而亡妻王氏誓不再嫁事孀姑盡孝道四十年如一日姑壽八十有八歲而卒氏

年今五十  
有七矣

周氏張氏

庠生水安濟妻年二十八夫沒子方三週氏志節不渝歷有年所其侄永康妻張氏夫亡時二十五歲撫在抱子家赤貧矢志念不移毫無怨悔人謂一門

雙節

冀氏馮氏

裴九苞妻冀氏弟九疑妻馮氏俱年未三十夫亡冀無子以仲氏九文子嗣馮一子未離懷抱家貧孝事孀姑曲盡甘旨苦節各已四十餘年

王氏

胡思聰妻年八于歸越五載無子夫卒氏哀毀欲絕家消甚艱氏勤績紡鞠育嗣子不異所出翁姑憐其少寡令勿奉侍氏雖疏食必致敬焉年今五十有三

楊氏

生員李玉佩妻夫亡年二十五遺二子長二歲次未週氏截髮矢志誓不改操撫二子成立後長子吏員大生次子員天佑相繼歿氏悲哭成疾而卒苦節五十餘年

周氏

鄉民李銑妻二十三歲而寡無子僅三女矢志堅貞紡績度日苦節已三十年矣

胡氏

生員周英妻二十七歲而寡一子在抱氏奉親育子誓不改節苦力爲遺孤娶婦不數年子婦俱亡有二幼孫氏益堅冰霜之志事翁姑生養死葬無不盡禮其撫二孫



亦備歷艱辛壽逾七旬而亡苦節四十六年

**田氏**

鄉民董光先妻年十九而寡遺腹一子翁姑俱亡祖翁年八十餘衰老病氏親侍湯藥者數年冰霜矢志紡績為業養老育孤孝慈兩盡守節已三十五年矣

**張氏**

府庠生周紹周妻年十九適紹周二十四歲夫亡越七月生遺腹子世生繼申四姑彭氏燕氏劉氏程氏庭無出言公雙目不見氏周旋盡禮克盡婦道事親教子能代

夫職鄉里推其節孝

**李氏**

谷而賢之妻十八歲夫亡氏念公姑年邁堅志守節生養死葬恪盡婦道同宗憐其命姪承繼教訓有方撫養有道已娶妻生子家道頗昌鄉人奇之咸稱道不置

云現年五十九歲

**張氏**

邑庠生侯辛命之妻孝事舅姑克盡婦道夫應試不家翁染疾病偶思食肉氏剖左股烹羹以進是夜鄰人共見其家火光冲天次日其夫入庠翁病亦漸愈其誠孝格

天有如此者

**吉氏**

鄉民王潤妻夫死年二十二遺子方五月翁姑以其少寡恐有異志氏誓死不移康熙三十年邑大疫盡出裝貨以為翁姑湯藥之費翁姑繼逝竭力以營殮葬年今七

十五有

**李氏**

鄉民劉瑀妻年十九于歸生二男長三歲次未孫瑀亡葬之日氏求死者再四家人勸之甚切氏乃撫二子以完志焉苦節已二十八年

**賀氏**

鄉民姚二統妻夫亡年二十三遺一子一女不數月子又殤氏念翁姑年老立志守節以事親爲己責苦節已二十八年

**李氏**

鄉民陳諫妻年二十一夫亡遺子方三月氏上事翁姑下育弱子備歷艱辛今已六十五歲矣

**崔氏**

儒童常文翰妻年十五于歸轉四載夫亡翁姑亦相繼而逝遺二子長二歲次方三月氏竭力撫二子成立次子餽於庠縣令朱表其門曰霜筠婉潔

**李氏**

生員王夢龍之子婦年十七適王夫得顛病未及一年夫死驕憐其青年欲聽改適氏破而以誓今已三十餘年矣

**楚氏**

儒童張琇妻事翁姑至孝姑歿哀毀踰禮乾隆六年六月翁染時症至危氏割股爲藥以進翁愈氏絕不以聞於人積歲餘日子拔貢生玉成方知之

**黃氏**

劉廷相妻夫死年二十九二子皆幼氏苦節自矢上事翁姑下育幼子迄無異志守節五十五年今八十有五

**于氏**

儒童李口宣妻夫死年二十五遺孤三歲會長十餘得癱症臥床不起氏以孀居身身早夜奉事親嘗湯藥如是者七年從無懈志迨子稍長而翁尋歿氏竭力營辦殯

葬盡哀盡禮人稱節孝兩全

**焦氏**

孫育蕃妻年二十六而孀夫叔欲令他適氏不從逼之遂縊以救得甦而矢志無二歷三十餘年老終少長家遺成立於後邑令王旌曰節孝堪型

**王氏**

處士強健之妻夫亡年二十翁姑年老竭力奉養守節三十五年壽六十八歲而卒

**趙氏**

牛員趙曉女儒童彭宣儒之妻年十七歸彭姑患癱症氏左右侍湯藥弗愈割股以奉鄰里欲舉其事宣儒力阻而寢姑歿官儒亦歿卒氏欲俱死飲食不入口者七日

念翁在子俱稚無可依者因復稍進飲食日則採薪夜則紡績翁之生養死葬俱出於此氏今七旬有餘子四人璋琰瓊三人俱入邑庠人以守節孝之報云

**王氏**

鄉民武振國之妻十七歲適振國結褵三載夫亡無子可倚氏矢志維一立繼承祧奉侍翁姑家業艱以不替縣令王以巾幗完人匾其門

**安氏**

年十八歲適上二里府庠陳早瑞之長子大華越兩月夫忽暴亡氏誓不再嫁守節已二十五年

**郭氏**

卜二里庠生陳珍妻二十六歲夫亡舅老子幼氏事親能孝教子有方艱辛備嘗撫三子皆能成立壽八十二歲終

**李氏**

谷景之妻十八歲夫亡背生一子尚明苦力擇師教讀入太學生氏堅勵冰操孝事姑舅和睦妯娌永無爭志並黨子姓稱揚不替年今五十九歲

**許氏**

庠生許端女年十八適李季白夫卒氏年二十九歲伊夫弟東白亦逝弟婦改嫁遺子廣兒時方五歲家世寒素氏坎疴備歷撫育孤兒苦節已四十年

**賈氏**

穆道寅之妻夫歿早氏天性愷悌秉心仁慈隣里鄉黨有急難者捐貲周濟善行甚多難以備數其子廷儒英儒務德潤殿鰥俱早年入庠人皆以爲善行之報

**周氏**

王文奇之妻年二十三歲夫亡子廷實年方二歲家奇窮氏備歷艱辛卒冰自矢六十五歲而卒

聶氏

孔尚喜之妻年十七于歸越兩年夫故遺子延緒方七月姑老子幼無一可倚氏奉姑育子孝慈兼盡

薛氏

鄉民魯彥林之妻夫卒氏年二十歲遺子方二歲氏撫孤守寡三十餘年現年五十三歲

王氏

鄉民劉文顯之妻夫故時氏年二十六歲無所出守節四十八年七十五歲卒

張氏

鄉民范宗文妻夫亡遺有二子尙幼氏晝夜勤勞守節二十六年現年六十五歲

郭氏

鄉民孫振倫之妻年十九夫亡遺有一子方五月氏撫養孤子誓不他適現年五十守節三十一年

季氏

鄉民孫式古之妻夫歿氏年二十子女俱無氏貞節自守今已二十八歲矣

王氏

鄉民白有才妻夫亡年十九歲遺一子兩月氏冰心自矢撫養孤兒現年五十有五

李氏

儒童陸爾馨妻于歸兩月夫故氏誓無異志苦節自甘越數年不食而終

白氏

儒童王國祥之妻年十九夫故背生一子誓不他適撫育孤兒母子艱辛度日迄今已三十六年

蘇氏

方隆之妻年二十七歲夫故苦志守節五十三年而卒

**林氏**

儒童方世傑之妻年十五于歸夫卒遺一子克恭娶吳氏又本媳守節二十一年而故氏因取姪孫鏡承祧現年七十

**黃氏**

鄉民田進孝之妻年十六于歸越三載夫故生子琇方一歲氏誓不他適撫育孤子成立現年六十五歲

**景氏**

鄉民田進賢之妻于歸四載夫故生子琇方三歲氏荆布自甘誓無異志現年六十一歲

**彭氏**

鄉民高暉之妻苦節自甘誓不他適晝夜織紡從無異志蔬食水飲視爲固然八十四歲而卒

**耿氏**

儒童江文煥之妻栢舟自矢冰心松操堅如金石夫死至今已三十餘年而紡績不輟甘於淡泊可爲有守矣乾隆十一年題請建坊

**張氏**

吏員張嗣仁之妻年十九于歸夫故尙無子息可倚氏矢志願他奉公姑養老送終繼子撫育成立娶妻生孫未獲終養又經病故氏仍撫育幼孫始終不倦現已八十

二歲矣

**陳氏**

儒童張如梅之妻十七歲于歸歷五載夫故子甫一歲姑張氏年六十有七患癱症雙目不明起臥不便湯藥飲食氏朝夕事奉幾費勞辛十五年餘並無怨言姑壽八

十二子文繼已成立

**王氏**

鄉民吳國泰妻夫歿氏年三十歲子士俊方十五冰霜矢操勤儉治家撫綏幼子朝夕課讀教以義方守節四十餘年年今七十餘歲

**高氏**

候選縣丞周世程之妻年十六適周二十四歲夫亡氏悲慟昏迷欲自盡殉葬既而悔曰翁姑白髮子尚黃口周姓老幼賴氏一人死有憾也因矢志靡他養老撫孤上

下兩得其安子顯烈候選縣丞氏今六十有八

**張氏**

強可榮妻年二十于歸越七年夫亡並無所出擇繼立嗣誓不改操現年五十餘歲

**朱氏**

官三里柳泉鎮曹士林之妻年十七歲于歸越三載夫故身無所出僅遺幼弟四人以嫂代母撫養成立取胞姪繼承嗣教以義方已完婚生子氏今守節三十餘年

**劉氏**

儒童許養賢之妻十七歲于歸越二載夫故後月餘始生子成章今入太學生現年八十有七

**高氏柴氏**

貢生殷璉之妻妾也生捐館時高氏年四十五歲柴氏年方二十三歲念翁老無子與嫡高氏誓爲生死交俱鮮所出乃力勸翁續弦以圖後繼已果以

七十六歲舉子二氏撫之甚慈翁曾臥病氏和衣眠者兩閱月一日大腸燥結柴氏乃手出其糞其養老敢後有功夫家如此邑人稱之官旌其門

**陳氏**

儒董葉邦賽妻于歸四年而夫故舅姑年老一子起振甫一齡叔姑俱幼氏茹荼紡績以借俯仰親終葬成禮撫叔育姑義方教子俱俾立家室迄今年已八旬里人稱

其賢孝姑志之

**貞烈**

**張氏**

韓城人年十八適王鑑甫三載而  
鑑卒氏無子哭夫盡哀是夜自縊

**王氏**

廩生郭東山妻柔順事姑年二十五而夫亡撫三子潛囊浦誓不改適其子語稍不  
順氏訴於鄉保鄉保扶其手勸之歸氏忿然曰吾手豈他人所可扶耶入室以刀斷

之死而復甦狀

聞詔旌其門

**莊氏**

官庄里董大河妻夫死氏號  
哭不絕聲縊於內室奉旌

**劉氏**

廩生芳之女即刑氏女孫也性  
至孝適王某流寇破城觸石死

**關氏**

生員賈學古妻夫亡氏哀痛踰禮誓不再醮  
撫幼子思孝饋於庠闈逆破城子母皆死之

**馬氏**

儒士劉湛妻孝養舅姑克盡婦道夫故氏年二十七子煇方五歲撫之成立誓不  
他適閉戶紡績涕淚不乾者數年闈逆破城義不受辱罵不絕口子母皆與難

**一門三烈**

孫氏韓城鎮生員王國弼妻趙氏國弼子生員王銘妻王娥國弼子王鈔女  
崇貞十一年九月流賊混十萬攻破鄉寨三烈恐為賊汚同投井中賊舉火

擲井脅之使出三烈甘蹈水火竟死井底一時憲院褒  
旌有節如清水義猶烈火及一門三烈千秋正氣之語

清

張氏

生員龔國俊妻崇貞十年遇賊於路逼之入營氏大罵不絕賊怒殺之旌曰烈氣凌霄

李氏

貢生李養德女適馬遜年二十流賊破韓城寨賊脇氏上馬氏大罵不絕口賊怒立斃之而去

亢氏

太原知縣周才美之妻年十八于歸崇貞十三年九月李自成副賊攻破本村官庄寨驅氏與夫同行氏恐不免於辱坐地不起謂夫曰當此離亂其何能自全不如就

死君前因駕賊使殺已賊連揮兩刀斃清朝乾隆七年撫院雅題請入節孝祠建坊旌表

何女

洛陽進士何江如女許字於庠生楚繩孫之子貢生荃母兄乳諱根壽為妻未及于歸而夫先亡氏聞訃遂自盡其父將氏之靈送入楚塋與其夫合葬將至塋忽有

大風突起一自東徂西一自南旋北既而旋合為一偕入穴中生未同室死則同穴何氏之貞烈英靈不爽如此至今人猶冀之

賴氏

官庄李四妻夫弟李五素無賴四亡五逼使改嫁氏即縊死家貧無子隣人市席殮之藁葬夫墓之側

張氏

趙一里趙朴妻夫亡即雉經以殉縣令勒石表其墓

王氏

白楊鎮李日尚妻事舅姑至孝夫亡撫孤二十餘年子死氏自縊



**高氏**

張先咎遺孤黃端之妻娶氏一年而黃端亡氏年十九以死自誓其太公緒卒送葬訖縊死夫之墓側

**谷氏**

儒童葛亮譔妻十八歲于歸次歲夫亡守節三年服除繼死學使亦以完貞表之

**趙氏**

儒童王經邦妻年十八于歸夫病故無出自經者再矣翁姑救之未死至三年服除絕食數日而亡

**楊氏**

鄉民張維良妻年十五于歸夫暗疾性復愚厥氏相敬如賓衣食必周視之從無怨言夫故堅冰自守越十餘年而卒

**劉氏**

儒童陸鏞妻年十七于歸未滿夫亡服除後不食而死

**張氏**

仁厚村民李墨妻夫死年十九有欲奪其志者自縊死有碑表墓

**彭氏**

儒童杜棠妻夫死年十九志操甚堅嗣姪朝彰爲後翁姑歿既葬絕食而死苦節三十四年

**陳氏**

儒童唐文學妻二十三而寡僅有二女成勸其改適誓死不允待二女嫁後遂自盡卒時年四十四歲

**于氏**

儒童朱西金妻年二十夫亡長泣絕粒者數日自喪明啜失聲家人畏其烈殉晝夜防維不期年憂鬱不起將終謂其孀似劉氏李氏曰伯母長媳當奉姑以終仲母乳

赤當撫功以一成吾死  
可無憾矣歸畢而卒

張氏

許梁儒之妻夫歿氏年二十五歲子幼無守節二十八年待翁姑歸葬之後氏遂自縊以殞

崔氏

潘有爲之妻翁老患癱症夫性呆憨不能理事家赤貧氏上養病翁下助愚夫坎疴備慰從無怨言縣令匾其門曰賢孝可風


張氏

谷而瑞妻乃善人張世舉之女而邑庠生張存儒之姊也夫故年二十四遽以死自誓奈一子尚幼義不可殉閱一歲而子夭亡氏決無意於人世矣是日乘家人會葬

外家遂閉戶自縊官旌其門曰閩嶺奇烈里人亦勒石以志不朽節婦之志如金之堅節婦之死如霽之甘引決一日流芳萬年

鎖氏

龍二里太學生宋某妻氏以官宦之女適歸夫家布綿菽粟絕無驕色孝順公姑和睦妯娌勤儉以佐其夫志之可爲以富厚而傲其夫家者警



節孝

清

王女

官庄周而正妻未婚夫亡聞訃往哭冠笄喪畢操井白靈孝翁姑取弟子成立以嗣苦節七十餘年乾隆四十三年前令周上聞建坊入祠

亢女

亢達元女年十三母病瘵割股愈母

胡氏

鄉民盧守仁妻夫亡氏二十一姑老子幼苦節四十餘年

馬氏

鄉民于聞善妻夫亡年二十二翁姑皆七十餘貧以紡績爲養翁姑相繼歿遺孤方六歲盡哀盡禮爲里中所稱守節五十餘年前令王獎之

王氏

北二里佛樓董世良妻夫亡子幼家赤貧氏甘窮苦永無他志嘗自誓曰甯可乞丐以育子不肯再嫁以背夫苦節三十餘年享年六十餘

孫氏

生員股玠妻二十七夫亡一子作桴僅五齡後爲娶邢氏生子而作桴亦歿賴邢賢孝紡績度日相得甚歡苦節數十年孫亦成立乾隆三十八年前令獎以雙節維風

劉氏

周文仲妻十七子歸二年夫文仲亡氏自繼耆再翁姑年邁缺養茹苦奉親氏取夫弟子監生五如爲嗣苦節六十餘年享年八十有二

翟氏

靈山柳天位妻二子歸三年夫亡紡績度日孝事翁姑取嗣子青春承祧登乙酉選拔苦節四十餘年卒享使史獎以柏荻揚輝請旌建坊從青春請

牛氏

法堯女李聚文妻十八適季二十四夫亡事翁姑孝待子姪慈

郝氏

官三里河北營周崇德妻年二十七夫亡紡績奉姑教子成立苦節五十四年道光十一年建坊

何氏

白楊鎮何丙辰女泊頭金濫妻十八于歸夫亡事舅姑孝取嗣苦節六十餘年

谷氏

饒崇孝妻夫亡孝事翁姑守節四十餘年

茹氏

楊水昌妻年十九夫亡一痛幾絕矢以身殉翁姑勸阻守節撫孤六十二年

周氏

北二里西塔泥村人武生周環之女閨朝昇妻二十一夫亡遺腹子名麒麟氏上奉翁姑下撫遺孤享年八十有六

茹氏

翰林院檢討谷希哲子萬年妻年二十三夫亡守節翁病在床卒以孝聞

胡氏

石二里東官庄陳大雅妻十七于歸三日夫亡事翁姑以孝

劉氏

尋村樊樂天妻年十八適樊數月夫亡孝事翁姑守節至九十餘

魏氏

城內胡中元妻二十于歸四載夫亡子玉山僅三歲奉親撫孤克盡孝慈前令李旌其門曰節義雙全

黃氏

十字嶺王耀妻節義雙全體仁閣  
大學士山東劉以瑤池冰雪獎之

劉氏

止一里鐵爐村李萬林妻十八子  
歸翁病氏割股以進翁病乃愈

周氏

小坡村趙天爵妻夫亡姑病  
親侍湯藥守節三十一年

王氏

城內茹南金妻十八子歸  
而亡奉養翁姑教訓繼子享年七十二

黃氏

白楊鎮黃雲觀女何繼禹妻夫亡取堂  
兄子雙印承祧孝事翁姑苦節數十年

劉氏

生員翟耀林子天泰妻十七子歸二載夫亡取堂  
弟廩生天祥子承祧孝事翁姑苦節四十餘年

呂氏

呂振拔女谷來朝妻夫亡無  
子善事翁姑苦節三十八年

谷氏

趙文高妻夫亡  
守節孝事翁姑

蔡氏

白楊鎮何寅恭妻蔡永茂女十九  
子歸夫亡孝事翁姑享年六十八

何氏

生員楚雲翼妻于歸六月夫  
亡事親守節享年八十三

**于氏**

茹纊榮妻夫亡守節孝事翁姑教子成立年八十有六乾隆十一年前令肅旌以節壽雙高

**李氏**

劉希哲妻夫亡無子奉姑守節享年七十五

**劉氏**

城內胡玉堂繼室子秉珪數月夫亡前室子秉義僅數歲守節奉姑存歿禮訓子成立人無間言

**楚氏**

城內李廷獻妻十九夫亡孝事翁姑調養嗣子苦節五十三年享年七十二道光十年建坊祀節孝

**呂氏**

文童王潤之妻夫亡守節孝事翁姑前令楊旌其閭曰瑤池冰雪

**張氏**

城內趙金昇妻十七于歸越載夫亡子彌月事親撫孤矢志不奪

**張氏**

石一里焦家溝趙某妻夫亡守節事病翁撫幼子里黨敬之

**周氏**

西高美馬龍崗妻夫亡撫孤守節善事翁姑

**魯氏**

官三里黑溝生員張耿南母夫亡守節撫孤事姑

**張氏**

王殿鬻妻性溫和知大義夫外亡家貧孝姑七十八歲失明復愈享年八十三

張氏

石二里文童高其學妻年二十夫亡子未週歲誓以死守孝事翁姑學憲盧旌其門曰勁節流徽

張氏

關相里趙有清妻夫亡守節孝事翁姑

閻氏

蓮庄王龍德妻夫亡守節孝事翁姑

李氏

文童馬萬魁妻年十九夫弟出傳鄰村水漲弟溺夫救同死氏守節自勵孝事翁姑飲水茹荼遠近以聞

許氏

石家陵白習舉妻子廣居兩月習舉亡習舉弟習傳娶張氏生子廣慶亦兩月習傳亡當兄弟析居姑獨爨至是二氏奉姑守節殆無遺憾均各七十餘

麥氏

通順里沙坡頭范長桂妻夫亡守節孝慈無虧

閻氏

沙坡頭常及第妻夫亡守節孝慈以聞

李氏

魚泉村王殿元妻夫亡守節孝慈兼全

于氏

甘棠廩生王玉山妻二十五夫亡子鳳岡氏事親孝教子嚴鳳岡登卯賢書現任陽武教諭

張氏

止二里汪汴彭錦林妻夫亡事親撫孤苦節四十餘年



**王氏**

柴均里晉陵白樞妻夫亡事親撫孤苦節至七十餘

**馮氏**

蒲家灣李明布妻二十三夫亡子僅八月翁老姑病慈孝克全守節五十餘年長孫文學娶張氏二十八文學亡張氏亦守節五十六年

**岳氏**

止三里李華國妻二十五夫亡堅貞自矢孝事重親子幼弟弱咸克成立苦節四十餘年

**趙氏**

官三里王崇堯妻年二十夫亡子未週歲孝事翁姑撫存弱息苦節五十餘年

**王氏**

子房溝郭景惠妻二十二夫亡家貧子幼翁姑衰老克盡孝慈紡績度日享年八十一歲

**衛氏**

趙溝趙永順妻十八歸一年夫亡夫幼失怙恃依叔父母成立氏苦節奉叔夫婦不啻翁姑後取堂姪炎若爲嗣愛如己出卒以賢淑稱

**陸氏孫氏**

城內文章張迎祥妻歲貢生陸栳胞妹十六歸數月夫亡夫弟太學生呈祥娶孫氏三年亦亡遺腹子志仁一承雙桃姊妹和偕重堂四老咸以孝聞

苦節四十餘年前令旌其門  
曰同矢松柏志仁亦入太學

**李氏六節**

福昌人邑壬午舉人王贊有六節合傳載入藝文

**張氏**

趙保王所居妻二十夫亡乾隆三十九年建坊張秉坤贊云卓哉王母秉質貞純所天見棄年甫二旬矢志冰雪操凜松筠子婦兼職嚴慈一身初終一節歷五十春德

著巾幗名勒貞珉永  
垂靈輓以正人倫

**苗氏**

貢生作哲女布天全  
妻夫亡教子守節

**張氏**

東趙保李振業妻夫亡無子取兄子錦揚爲  
嗣延師課讀嗣名邑庠旌其門曰慈節兼優

**周氏**

柳泉鎮曹文蔚妻  
夫亡教子守節

**蘇氏**

泊頭村千總苗雲亭曾祖  
母十九夫亡以節孝著

**吳氏**

邑西魚泉村王秉仁妻十七歸王家貧秉仁作負販八年未歸姑  
進姑病愈秉仁歸秉仁亡氏守節奉姑取弟與仁子承祧至九十餘歲前令表其閭

曰節孝

燕壽

**亢氏**

韓城亢達元女文童張煜妻煜亡  
翁病姑育守節割股能以孝聞

**羅氏**

穆册關常瀾子妻翁病百藥不效氏  
焚香告天割股煎湯以進翁病尋愈

**郝氏**

鹽坡頭女苗姓妻夫家謝村失名氏年二十夫  
亡翁九旬患癱氏割股烹進遠近以孝稱之

王氏

鹽坡頭生員張世榮妻姑病不愈氏割股烹羹姑病遂痊子銘軒入邑庠

胡氏

孫留村胡尙文女劉萬福妻性至孝姑病氏割股烹羹以進姑病遂愈

楊氏

祁家庄姚治國妻二十六夫亡子福順翁姑衰邁氏倍嘗艱辛姑病藥罔效割股調羹以愈福順娶古氏數年福順亡二老殘年一媳遂寡克賢克孝其勵堅操鄉里

之稱

韓氏

邑舉人王贊有約獎孝婦孫韓氏割股奉姑小引載入藝文

張氏

廩生殷蓮側室夫亡嫡病翁老且蹙守節盡禮鄰里稱賢有邑舉人王贊請匾敢載藝文

閻氏

王廷彥妻年二十八夫亡遺孤簡甫兩週氏幾不欲生以姑老富與婦媼率事恭順和睦甚得姑歡又念媼子五人已一子析產爲六享年八十四學憲林公旌其門曰

貞淑  
壽康

祁氏

柴均里祁天顯女丁家灣丁錦妻二十夫亡取嗣訓子守節

解氏

城內呂有仁妻夫亡無子取姪耀光承嗣守節三十七年

何氏 白楊鎮何廷珍女沙坡頭范青雲妻十七于歸夫亡教子守節

布氏 谷彥標妻夫亡教子守節

孫氏 生員張漢珠妻夫亡教子守節

姬氏 白楊鎮王克恭妻十八于歸數月夫亡於水氏教養嗣子苦節五十餘年

王氏 石文梅妻夫亡守節教子享年八十餘

唐氏 韓城張進財妻唐永貴女夫亡撫孤守節

楊氏 北二里羅村盧秉正妻十六于歸夫亡子未週歲撫孤守節

丁氏 年二十歲夫亡子方五月撫孤守節四十餘年

甯氏 年十九歲夫亡無子姑衰氏竭力奉養苦節六十餘年

孫氏 柴均里石家陵白俊傑妻夫亡遺腹生子氏撫養守節四十餘年

**周氏** 塔泥村閩朝昇妻夫亡遺腹子氏撫養守節享年七十有六道光三年建坊

**侯氏** 城內文童劉化潤妻年二十二夫亡取任上林承嗣苦節五十餘年

**劉氏** 雲溪嗣子書昇妻十九于歸僅四月夫亡冰霜矢操誓以死守享年八十

**邢氏** 父童玉賀妻十八于歸二十三夫亡子女俱無苦節六十餘年嘗以女箴闢戒自守前廣文龐獎以淑德遐齡

**馬氏** 韓城馮東萊妻夫亡守節

**潘氏** 閉和里郭平村孫裕德妻夫亡守節

**陳氏** 柴尚里李青渝妻二十夫亡苦節奉姑撫胞姪之芳爲嗣貞潔自守五十八年

**劉氏** 尋村樊峻天妻十七于歸五十七曰夫亡矢志堅貞孝事翁姑享年百有三歲

**陳氏** 崔登山妻年十八夫亡夫弟逢庚在襁褓氏撫以恩義守節七十餘年

**蔡氏** 白楊鎮劉萬昇妻夫亡守節

郝氏

二北里李家營李  
玉柱妻夫亡守節

白氏

趙杠之妻年二十  
子一週夫亡守節

王氏

南留村監生王潤女東趙保張得琪妻十八  
于歸七日夫亡苦節三十八年鄉人誅之

郭氏

胡氏

東官庄陳玉峯  
妻夫亡守節

董氏

白楊鎮何基原妻十  
七于歸夫亡守節

田氏

書昇妻  
夫亡守節

張氏

谷隨林妻  
夫亡守節

馬氏

石有亮妻  
夫亡守節

馮氏

止一里蘇家河村蘇  
萬周妻夫亡守節

孔氏

上一里東王村張  
士秀妻夫亡守節

張氏

壽安里南留村閻  
仲龍妻夫亡守節

常氏

西城里監生石渠源妻夫亡守節

張氏

閩翔龍妻仲龍妻胞妹夫亡守節

段氏

西城里文童盧晉美繼室夫亡守節

高氏

壽安里闈大經妻夫亡守節

劉氏

李家營李翰元妻七子歸夫亡守節

馮氏

王忠凹張富妻十九夫亡守節六十七年

布氏

沈屯沈金玉妻夫亡守節

孫氏

甘棠寨孫永順女城內徐永安妻夫亡守節

周氏

沈魁斗妻夫亡守節

白氏

趙九齡妻夫亡守節

楊氏

沈家屯沈可法妻夫亡守節

張氏

段村劉西成妻夫亡守節

何氏

城中街王縉妻夫亡守節

張氏

段村劉連清妻夫亡守節

劉氏

西平縣訓導劉西峯女適歲貢生李綸之子攸十九歲夫亡守節

張氏

西柏坡水振河妻夫亡守節

許氏

張嵩山妻夫亡守節

李氏

上一里古村常繼雍妻夫亡守節

王氏

呂文耀妻夫亡守節

李氏

柏坡水日盛  
妻夫亡守節

董氏

嵩邑董殿臣女連庄  
王永仁妻夫亡守節

金氏

蓮庄高創妻  
夫亡守節

關氏

蓮庄關有才女謝  
吉兆妻夫亡守節

姜氏

官三里元村張書  
紳妻夫亡守節

林氏

李秉乾妻暨弟秉均  
妻王氏悉夫亡守節

孔氏

王三錫妻  
夫亡守節

王氏

孫炳若妻  
夫亡守節

楚氏

文童王芹妻  
夫亡守節

姜氏

文童張式典  
妻夫亡守節

楊氏

杜向榮妻  
夫亡守節

李氏

蘇良交妻  
夫亡守節

馮氏

文童王金榜  
妻夫亡守節

李氏

泊二里高山孟  
華妻夫亡守節

周氏

馮書香妻  
夫亡守節

常氏

文童王景崑  
妻夫亡守節

邢氏

閑和里黃家峒文童趙景  
清妻二十三歲夫亡守節

李氏

張某妻夫  
亡守節

韓氏

上一里王卷村李  
錦堂妻夫亡守節



劉文成

妻十八十歸二十六夫亡守節壽七十二

謝氏

謝村董俊妻夫亡守節

張氏

李進方子學文妻夫亡守節

周氏

柳營趙文遠妻夫亡守節

衛氏

趙溝趙永順妻夫亡守節

胡氏

延秋鎮生員張明甫次子省貴妻夫亡守節

馬氏

嵩邑監生蔣華女生員馬維新妻夫亡守節

尹氏

李汝文妻年十九夫亡守節

徐氏

呂正文妻于歸三載年二十一夫亡守節五十餘年乾隆四十四年旌

張氏

文童樊希天繼室夫亡守節

曹氏

周伯華妻夫亡守節

馬氏

城內馬蘭季女浦灣李明之妻夫亡守節

朱氏

柳泉曹士林妻朱紳長女夫亡守節

李氏

橋頭劉文德妻于歸數月夫亡守節

陳氏

大柳樹村孫官妻夫亡守節

劉氏

從九品李金鑒妻夫亡守節

孔氏

文童王錫三妻夫亡守節

馬氏

趙錫齡妻夫亡守節

彭氏

泊一里楊守盛妻夫亡守節

**劉氏**

韓城趙明妻  
夫亡守節

**張氏**

北二里南張村李  
正國妻夫亡守節

**王氏**

韓城趙果妻  
夫亡守節

**呂氏**

北二里柏社村孫  
某妻夫亡守節

**白氏**

柴均里沙溝趙九  
齡妻夫亡守節

**郭氏**

柴均里晉陵白迅  
功妻夫亡守節

**宋氏**

柴均里范園陳文  
清妻夫亡守節

**洪氏**

石家陵白永祿  
妻夫亡守節

**朱氏**

澤州府鳳臺縣郭金梁妻卜居止三里置地二十餘畝夫亡  
子歿孤身無依守節數十年遺產施本里關帝廟以供香火

**趙氏**

林泉儒士胡向辰妻初在母家值明末亂獨避匿枯井中一家被  
害氏孤無依復受賊逼計擊賊斃尋寄姊家年餘于歸卒以節稱

**王氏**

王文聰女十九歸二  
十四歲夫亡自縊以殉

**白氏**

石家陵監生白習忠女林泉胡上林妻二十  
七夫亡壬戌五月髮逆由新竄宜久病被害

**譚氏**

處士徐州妻數年夫亡子週歲姑衰聲失明貧無資殮人勸改適氏痛先世詩書姑  
頹子幼去則皆死留可全生地下有人終當相見紡績自愉養老撫孤壬戌三月匪

至避難深山負姑先  
行子亦尋卒得俱全

**李氏**

監生布瓊妻夫亡遺子娶媳生孫未幾均歿苦節自守年八十有二

**馬氏**

閩閩里來朝妻十八夫亡子萬春甫三月翁嫠且老薄田五畝不足自贍母欲奪志弗顧閉戶刻苦奉親撫孤翁卒營殯葬爲萬春婚娶生孫數十年紡績積蓄足以

存活享年八十餘  
顏曰苦節育孤

**李氏**

溫村喬斌妻十七于歸數載夫節上事翁姑下撫子女苦節五十餘年

**楊氏**

官三里周際興妻十七于歸六載夫亡奉親教子苦節四十餘年

**李氏**

止二里營裡村張德生妻年二十二夫亡養老撫孤苦節五十餘年

**周氏**

通順里沙坡頭增生范凌雲妻姑與夫相繼卒事翁孝夫弟一妹三俱幼賴以嫁娶苦節五十餘年鄉黨稱賢淑焉

**劉氏**

城內人黃鳳儀妻劉氏二十六夫故黃鳳翔妻楚氏二十四夫故俱無子取胞二兄之次子生員瀛瀾雙承一孫建德幼多病二氏上事翁姑下撫弱孫建德後登咸豐

己未武進士大挑兵部差官皆  
二氏撫養之力教訓之方也

**孫氏**

儒童王鳳翹妻二十五夫亡子幼翁姑衰邁仰事俯育以盡婦道苦節六十餘年壽八十六歲

艾氏

止二里王汴村彭嵩山妻二十  
五天亡堅貞自矢孝事翁姑

張氏

止一里陳達泰妻十六子歸一載夫亡子  
女俱無矢志苦節以孝翁姑現年七十餘

楊氏

韓城郭水錫妻二十三夫亡子進甫三歲後以病卒取任運承嗣爲娶  
生子而避夫婦繼歿躬自覩孤幸得成立享年六十有七家無間言

許氏

溫村喬輔壯妻二十餘夫亡家貧  
撫孤紡績自給苦節五十七歲

柳氏

城中街張泰妻二十六夫亡家  
貧教子紡績度日苦六十餘年

王氏

壽安里監生張耀元妻二十四夫亡守節治家義方  
教子賢聲遠播享年七十三子恒泰援例得州同銜

郭氏

趙一里文童張玉貞妻十八子歸七日夫故前子  
汝欽方七齡撫如已出苦節不渝享年七十有五

劉氏

鐵爐村常榮妻世榮病廢百藥不效禱神封臂雜蔬以啖  
世榮愈迄無知者越三年暑月更衣爲姑所窺因之感泣

陳氏

城內廷蘭之女劉世倫妻二十五夫亡遺子尙幼與叔年相上  
下氏頗讀書以義方教之俱亦成立苦節六十餘年鄉里稱之

安氏

石家陵白習介妻二十六夫亡苦節六十  
五年現年九十一子永純今亦七十一歲

**衛氏**

馬天和妻二十二夫亡遺腹女一紡績  
度日苦節五十餘年現年七十有八

**彭氏**

壽安里順祖妻二十一夫亡家貧無度  
矢志不移現年七十有三苦節五十年

**劉氏**

葉邦籌妻于歸四載夫亡撫孤紡績奉養翁姑生事死葬以  
盡婦職夫弟教娶賴以成立苦節六十餘年享年八十四

**王氏**

趙二里秦殿旺妻二十夫亡子海晏甫一歲家貧紡績自給上事翁姑  
下育幼子俱盡其道苦節數十年同治壬戌三月捻匪犯官殉以自全

**劉氏**

劉丙南之女隴三里平泉村馬火旺之妻武舉劉煥榮之妹也幼嫻內則長習中饋  
年十六歸三載姑周氏身染重病百藥不效慨然割肱肉爲食以奉親鄉人聞之

頌以

賢孝

**許氏**

韓城人庠生許凡中之妹趙銘之幽閒貞靜能解列女傳孝經等書厥後姑病篤  
氏每夜禱願自減壽以代姑病尋愈鄉黨稱之陝西白水縣知縣王公希伊謨有誌

行歌及賢孝序表之並紹武府知府

程公霖有匾旌其門曰名孝遺風

貞烈

清

王女

郭進妻韓城王錫女年十八將親迎夫亡訃至撫膺啜泣及葬有期自經以殉

張女

楊桂之妻年十五未娶婿亡聞耗痛絕自縊

杜女

西官莊杜懋純女年十六壬戌三月匪至與母黃氏投井死

張女

韓城張執璧女年十六壬戌三月匪至女大罵失聲被賊刺死

周女

石一里周之興女年十七未笄壬戌三月合家避難至深淵投淵死

劉氏二女

一名前年十七城內劉長松女字生員趙健行長子一名李劉長春女年十八字武舉劉彥麟曾孫壬戌三月匪至先後投井死

閻氏

東界鴉池溝壬戌三月十八日匪至居人爭赴近山避亂女年十四珠色父母相失隨鄰人婦伏岩下匪強驅婦女度終解脫南鄰有井行近數武急相奔投匪連投以

巨石竟得不死越日匪去婦乃號救女聞將絕昇家

魏女

九品銜魏榮梓女年十五壬戌三月借母避難朱家溝賊至投崖

王女

河東營王治興女年十七壬戌三月十九日避難遇賊女奮刃自割不果復投井死

陳女

陳廷拔次女年十七壬戌三月匪至見姊投井遂從入

梁女

西城里馬朝溝生員梁心貞女年十五壬戌三月匪至女同母劉避難山洞母女被掠女給匪家有藏銀至家母女投井

檀氏二女

止里毛溝檀國楨二女長十八次十六壬戌三月避亂山中與母失散姊妹相保巖穴間姊以石投賊中額賊怒被害妹抓面齒背厲聲大罵亦被害

呂氏

武生係燕彪妻，七十歸三日夫亡氏悲痛不食抑鬱不起

何氏

白楊鎮文童程應元妻十九于歸二載夫亡翁老姑病氏供甘旨畢事宗節自給以殉令旌已從容就義

楊氏

新邑鐵門人會卦村監生郝萬祥子石寶妻年二十夫亡遺子未聘亦傷又二年姑歿翁繼娶氏與紡績度日至姑三週自縊

戚氏

段村胡世興妻年十九夫亡二十歲翁姑繼歿歸寧後氏亦自縊

許氏

靈山柳天賦妻十九于歸五年夫亡孝事翁姑取邑庠生長春爲嗣翁姑歿氏亦遂死前令以蘭性冰心獎之

李氏

城里獅子村石金妻夫亡年十七待翁姑終氏亦自盡

劉氏

連庄索士魁女王保治妻十七于歸二十四夫亡又三年姑歿自縊以殉

許氏

童劉鉅妻夫亡嘗事祖翁卒投縊以殉

李氏

泊二里宋店人十七歸趙三載夫亡無子撫弱妹出嫁事畢自縊

王氏

閑和里黃家塢人夫趙漢章外出壬戌三月匪至氏與鄰婦避難被掠路傍有井乘間投入

尹氏

監生尹文選女王增福妻夫亡孝事孀姑撫養子女壬戌二月匪至懼辱投縊以殉

尹氏

止一里鐵爐村李應顯妻夫亡守節壬戌三月匪至率一女一媳入室俱縊

一門三節

龍二里下龍窩村監生李天祥妻冀氏年三十四壬戌三月匪至合家潛避山洞勸夫與弟侄負母夜逃冀氏獨據洞口且拒且罵遂被磔死弟婦石懼

辱自刎夫姪金

雙妻亦自盡

曹氏五節

文童曹鶴齡妻許氏一女歸張二十一夫亡時居母家兩媳一王一趙王孀姪媳李亦孀壬戌三月匪至合家避難許領四氏龍榻下相抱持哭事急一



女三媳囑各口計  
均繼死氏亦自盡

張氏

甘棠生員王作賓媳女童王恩起妻年二十四母家  
城內壬戌三月十六日于歸八日賊至罵賊被害

丁氏

高文昌妻壬戌三月十  
九日聞賊至投崖死

張氏

孟村丁萬銀媳年二十四  
壬戌三月罵賊受傷死

王氏

段村胡大興媳年二十一壬戌三月匪至氏扶姑至野賊欲掠氏怒  
逼之氏給匪會姑富從匪令姑去還氏投井死匪怒下石投木去

周氏

周忠女丁家灣監生王蒲  
媳壬戌二月匪至投井死

馬氏

張耀南媳壬戌三  
月罵賊不屈被害

楚氏

甘棠文童樊麟書媳壬戌三月賊陷  
甘棠寨見夫被害罵不絕口亦被害

了氏

丁家灣牛瑞麟妻年二十壬  
戌三月十八日匪至自縊

許氏

魚泉村許玉堂女年二十歸趙  
壬戌三月二十日匪至氏自刎

張氏

城內武舉王燾南子監生三甲妻壬戌三月氏刺賊未中復大罵被害甚慘

張氏

城內胡命樂妻壬戌三月匪至投井

周氏

鎮均之妻壬戌三月匪至避難南山被擄投崖

宋氏

李玉珂妻二十一歲匪至被逼大罵斷三指復罵不絕遂遭害

喬氏

秦王寨十桂妻二十夫亡壬戌三月匪至氏生弱質不能遠避遂投井氏姪媳薛亦自縊

王氏

柴均里樊某妻二女皆垂髫壬戌三月匪至誓不辱先推女入井遂復自縊

甯氏

閑和里黃家壩趙樂子妻壬戌三月月避亂山中匪至懼辱自縊於樹

李氏

龍二里監生劉彰德妻壬戌三月避賊穴間匪至曳出氏罵不絕被害

李氏

閑和里孫鍾文妻善事翁姑壬戌三月匪至氏抱子扶姑及伯姑避難山中賊將掠之氏度難免大罵投潭賊怒連刺潭水爲赤至死罵不絕口

常氏

上二里下庄陳顯妻二十三夫亡子一亦殤取姪爲繼壬戌三月匪至氏携子避難罵賊不屈被害

**王氏**

官三里高元卿妻壬戌三月匪至刃死一賊罵不絕口被害

**谷氏**

城內陸尚友妻壬戌三月月罵賊不屈被害甚慘

**一門三節**

城內生員李玉棠妻劉氏胞弟金甲妻王氏甲女十六未笄壬戌三月十九日賊匪蜂擁入劉氏自刎王氏携女奔後院女投井王氏亦投井

**常氏**

王達情妻二十八歲夫亡翁病親奉湯藥無怠年八旬壬戌三月二十日遇賊投井媳李氏尋姑不得見井上遺跡亦投井

**周氏**

高橋生員阮步雲妻壬戌三月十九日匪入氏扶姑避亂十九日火光四起以被覆母赴火死

**某氏**

邑東關八品職銜劉紹瑛妻年十九壬戌三月匪至投子井中厲聲罵賊賊怒劍之而死

**盧氏**

福昌郝達仙妻壬戌三月匪至氏携幼子避難被掠投崖死子亦不救

**郭氏**

東柏坡張廷獻妻壬戌三月匪至夫與賊戰陣歿氏亦投井

**張氏**

石門王國幹妻壬戌三月被賊裹罵賊殺之

**趙氏**

宋店蘇乾之妻生員趙公鶴女壬戌四月二日遇匪夫逃自刎

李氏 泊二里宋店謝天定妻壬戌三月十九日避難狼家庄遇賊大罵被害

張氏 吳邦瑞妻年二十二壬戌三月避亂投崖

亢氏 儒童朱益三妻壬戌三月避難山岡匪至投崖

黃氏 趙德茂妻暨弟德盛妻李氏壬戌避賊同時投井

狄氏 職員董天選妻壬戌三月匪猝至投井

衛氏 從九品張永昇妻壬戌三月避難鐵爐村賊氛漸逼抱石投井

李氏 張天經妻壬戌三月避難鐵爐匪至投井

王氏 趙永興妻壬戌三月避難福昌匪至投崖

趙氏 黑湖村人 購南妻年二十餘翁夫俱逝姑病不起遣子尙幼仰事俯育苦節三十餘年壬戌三月匪至氏囑媳各自爲計遂投崖媳獲推二子入井自亦投入

張氏三節 伯叔姊一二十二二十皆在母家一十七未字乃天德全德月德兄弟三人女壬戌三月匪至相繼投井死

譙氏

永清之女適韓壬戌三月  
匪主與姊攜手投井

張氏

城內陳保之妻壬  
戌三月匪至投井

胡氏

壽安里南留村人適王二十六歲夫亡壬戌  
三月避難農家庄匪至罵賊賊怒石擊不起

劉氏

壽安里沿村周姓婦年十九壬戌  
三月賊至扶姑避難蝎子山投崖

王氏

城內張世忠妻二十七夫亡無子  
二女俱幼壬戌三月匪至俱入井

喬氏

止三里郭登妻年十七于歸一年夫亡翁  
姑衰老矢志靡他壬戌三月聞匪至投井

翟氏

確山縣教諭劉璇璣妻壬  
戌三月匪至投井以殉

亡名氏

不詳何村人亦不知夫姓名壬戌三月攜女避難俱被賊掠至營  
日晨如廁女先氏後良久見屍喉已斷矣刀委其旁母女俱死

張氏

田家女適夏氏居夏家庄有洞壬戌三月匪至合族同避十八日匪望洞索銀幣婦  
翁謀外款賊破擊墜首洞中洵懼躍伏不起惟婦憤激矢以死守持斧獨當洞門大

呼協力有某氏在連拒多匪匪怒殲翁取首還擲煙蕪洞口然得無害婦姑竊然驚悸增  
劇勢不能行婦負夜踰山谷數里抵船雲寨拾遺糞粥奉姑姑漸能步函翁首合屍歸葬

**張氏**

生於翟家巷傳爲祖翁姑至孝年廿壬戌三月十九日匪至合家避難北山被  
逼投崖不果旬旬投井亂定聞井有人聲汲出衣無水蹟似邀默佑嘆爲孝感

**王氏**

官三高元清妻壬戌三月匪至自念孀居有年  
一時被污何面見先夫於地下隨投井以殉

**張氏**

趙一里監生張志詩女年十八  
數月夫亡殮葬自經以殉

**周氏**

宿窩李金生母壬戌匪至多自裁氏年四十髮盡白體無完衣姑被脅索金榜掠  
幾意欲殺視有警外時窘中槐正有花更爲覓香油調敷傷處嗣失叔天祥自

山中歸叔妻張氏下教遺子甫二月尋得撫育之又兩侄婦暨女  
同鄰婦傷者八九皆爲調護得全活惟金牛不知存亡夫亦無名

**谷氏**

上庄周辰妻壬戌三月二十一日匪至同女被脅大罵斷指又罵復  
斷其舌嚼血仍及肢至死語言秀嚙罵不絕口女亦遇害

**黃氏**

韓城莊狗補妻農家女壬戌三月避難分水嶺匪至脅自餘步僞蹶不起有幼女  
奪絕吭因大罵匪拉之強起罵愈力謂賊何物敢污我臂匪怒鬻割僅存骸骨

**張氏**

韓城王自立妻壬戌三月二十二日  
歸甯母家匪猝至不避遂投於井

**王氏**

水溝廟農人顏泰妻年二十六壬戌三月匪至携二女投崖俱不死  
起視四圍救武有非復相投入長女貞姐年十四次女靈姐年十二

**劉氏**

韓城啞叭場根妻壬戌三月二十二日匪至避  
難鐵爐村恐不免先推子女於井隨亦投入

李氏

仁厚村人。曾遇春妻。壬戌三月，月明至氏，恐被污，投崖身死。

何氏

城內文童黃建寅妻。壬戌三月，遇賊恐爲賤污，急投井而亡。

常氏

文童黃應來之妻。二十三歲，夫亡，無子，苦守五十餘年。壬戌三月，賊至，投井身死。

趙氏

城內監生張東昇妻。壬戌三月，城破，氏坐井旁，賊入，大罵以石投賊，賊怒刺之，投井身故。

張氏

監生張東注之女。段村，北方妻。壬戌五月，髮逆竄宜，被羅不屈，爲賊所害。

### 右志列女同治初年編纂

張氏

庠生朱培基繼母。同治元年，遇賊臨危罵不絕口，里黨聞之，無不揮淚。

楊氏

城內監生林側室。同治壬戌，城陷，投井殉節。詳藝文傳。

胡氏

段村監生于克念妻。同治壬戌，賊至，不污，大罵，殺害。

李氏

三鄉鎮陳天中妻。年二十三歲，壬戌匪亂，遇賊大罵，賊怒以火焚死。

金氏

員役應兆之子天福妻康熙戊午科舉人金式孫女十七于歸二十二年夫亡奉事孀姑甚謹孝道壽六十職員翟森承祧學院何奏入節孝

王氏

東趙侯選教諭張汝聰之子文運妻十八于歸一載夫亡素嫻熅道孝事翁姑四十四歲卒

門三節

呂氏內吳翁妻十八于歸二十一夫亡子長高妻王氏十七于歸二十二夫亡孫恒發妻谷氏十八于歸二十五夫亡姑媳三世貞節邑侯胡公獎以

三世節

操匾額

苗氏

橋道村劉文成妻十八于歸二十六夫亡壽七十二歲卒

陳氏

壽村呂良全妻舉人陸一經之姑母也二十夫亡遺二女家極貧矢志苦守取姪金斗為嗣守節六十二年壽八十五歲

樊氏

中石村周三德妻十六于歸二十二夫亡事姑甚謹養子成立現年七十

侯氏

中石村馬元恆妻十七于歸二十七夫亡孝事翁姑義方教子守節三十一年子喜禮放賑獎監生

葛氏

孫留村閻其純妻十九于歸二十三夫亡孝事翁姑壽六十五歲

葛氏

陳宅村孔習曾妻十八于歸二十六夫亡矢志柏舟教子成立六十七歲卒



李氏

東莞縣生員陳本立之子作梅妻十七于歸十九夫亡遺子永昌月餘氏孝事翁姑撫子成立守節二十三年

張氏

城內金緒光妻十八于歸二十四夫亡奉事翁姑曲盡孝道六十九歲卒

薛氏

城內季西周妻十九于歸二十四夫亡守節三十五年

氏

城內榮陽教諭拔員王柱之子增生秉彜妻十九于歸二十九夫亡無子矢志守節善事翁姑翁故往歸值途匪陷城翁姑俱罵賊殉難氏倉猝營葬涕泣幾絕壽六

十歲學院費  
奏入節孝

爨氏

城內張克勤妻二十于歸二十九夫亡遺一子七歲家貧紡績度日撫子成立七十二歲卒

周氏

城內張克明妻十九于歸二十八夫亡遺二子家貧織紡度日現年六十歲

石氏

龐溝王永情繼室十七于歸期年夫亡即欲自殉夫因家入防嚴弗得遂絕粒數日而卒

門

城內張玉文妻二十五夫亡撫二子成立八十四歲卒玉文弟會文妻劉氏二十七夫亡子三歲八十三歲卒

段氏

侯村侯珏妻十六于歸三年夫亡遺一女矢志苦守乾隆四十年立節孝坊

**馬氏**

漫流村黃雲吉妻十八于歸二十二夫亡無子氏柏舟自守五十一歲卒

**彭氏**

魏庄劉思義妻二十七夫亡翁老子幼孝慈雙全卒年五十七歲儒學胡公旌其門曰錫孝褒貞

**馬氏**

董坡村何廷芳妻十六于歸二十二夫亡志勵冰霜六十七歲卒

**康氏**

董坡村何廷柱妻十七于歸二十六夫亡克守婦道四十八歲卒

**郭氏**

白錫鎮喬毓秀妻十九于歸二十一夫亡無子矢志柏舟取夫弟長子振基爲嗣六十四歲卒

**李氏**

董坡村何廷芝妻二十二于歸二十四夫亡苦節自守年五十歲卒

**張氏**

董坡村何廷桂妻十七于歸二十六夫亡苦節自守七十九歲卒

**周氏**

魏庄劉超妻二十四夫亡無子矢志靡他孝事翁姑取夫兄次子爲嗣苦節四十二年現六十六歲

**許氏**

房聚奎妻十八于歸夫亡矢志無他孝事翁姑守節五十七歲卒

**甯氏**

溫村潘自省妻二十五歲夫亡無子誓事翁姑守節五十歲卒

**周氏**

溫村喬自壽妻二十七歲夫亡守節六十七歲卒

**孫氏**

庠生張漢珠妻二十四夫亡無子上事翁姑下撫弱弟拾篋入境嗣子遇害氏撫幼孫得以成立七十四歲卒

**喬趙氏**

溫村人二十八歲夫亡矢志柏舟事姑至孝娣姒和睦五十九歲卒

**苗氏**

克村張福妻十七于歸十九夫亡遺一女善事舅姑撫女成立六十五歲卒

**李氏**

石家嶺張爾泰妻十八于歸二十九夫亡遺一子矢志苦守善事翁姑六十歲卒

**李氏**

水磨頭張月恒妻十八于歸二十五夫亡生一子後應督農司矢志歸他孝事翁姑六十八歲卒

**苗氏**

坊二里譚叙八品谷起祥妻性貞靜智慧多藝常以孝經訓子并諭子放賑數次子連桂監生孫明讓景超均入庠八十一歲卒

**茹氏**

楊店村楊毓秀妻二十一夫亡孝事翁姑守節三十餘年而卒鄉黨以匾旌其門曰節高孝純

**陳氏**

河下村李學順妻十八于歸二十夫亡孝養翁姑志堅金石苦節五十餘年邑侯英公旌其門曰柏舟並賦

**季氏**

高橋村董業立妻十七于歸二十夫亡苦節自守孝事翁姑三十六歲卒

**苗氏**坊二里周來元妻十九子歸四載夫亡無子家貧苦節自矢繼紡以奉孀姑三十餘年姑亡親營殯葬不旬日氏亦哀痛而卒

**陳氏**白楊鎮人適喬姓三月夫亡壽事翁姑六十餘年壽至八十餘歲忽告家人曰一月之久吾命卽休至期穿戴整齊喚家人及族親囑以廣行善事語畢而卒

**阮氏**溝頭村石天福妻二十六夫亡翁年七十一歲事翁至孝堂姪二歲失恃氏撫養成人卽以爲嗣五十九歲而卒

**馬氏**溝頭村郭天福妻二十五夫亡家貧姑老子甫七月氏勵節織紡事親養子以存宗嗣年五十一歲

**張氏**谷埭村蔣浩妻幼讀書十九子歸二載夫亡善事舅姑娘門欲奪其志氏誓比伯舟九年未返娘門取夫弟子爲嗣六十一歲卒

**蔡氏**白楊鎮教諭蔡源清女十七適李門二十一夫亡矢盡金石取夫兄子重興爲嗣不數月夫兄夫婦俱亡遺幼子重禮甫七歲氏撫若已出三十一歲卒

**譚氏**尋村楚維垣妻十九子歸二十二夫亡遺一子家貧姑老失明氏紡織事姑撫子守節五十四年卒

**劉氏**中石村張雙彥妻十九子歸二十四夫亡乏嗣勸翁娶妾生子來住壬戌三月匪至將弱弟掠去氏售地贖回守節四十四年

**張氏**蓮庄王如林妻一七子歸八年夫亡視老子幼苦節自守道光二十一年翰林院編修李文清公以節孝旌其門

**閻氏**石埭溝霍長春妻十八子歸五年夫亡家極貧姑老子幼克盡孝養苦守四十餘年鄉黨稱其賢孝

**趙氏**

係順里陳金才妻十七于歸生二子八載夫亡上事翁姑下撫幼子苦志五十餘年而卒

**宋氏**

蓮庄王中書妻五載夫亡遺一子未離懷抱越七年子稍長氏乃服毒殉節

**張氏**

蓮庄王遜妻十七于歸二載夫亡善事翁姑越十餘年取夫弟子穉祿未離撫養以承宗嗣守節六十六年而卒閭里勒石以誌不朽

**張氏**

蓮庄高龍妻十七于歸四載夫亡遺子一週翁姑俱老氏織紡度日曲盡孝道鄉里重之勒諸瑣珉

**李氏**

蓮庄蔡長清妻十七于歸五載夫亡遺子尚幼撫養成立苦節十八年而卒

**胡氏**

蓮庄王桃妻十七于歸二十九夫亡奉養翁姑曲盡孝道後取夫姪爲嗣守節四十餘年而卒

**劉氏**

蓮庄王保治妻十七于歸三載夫亡取繼事嫂慷慨盡節道光二十五年蒙河南鄉試正考官申公慎修以從容就義旌其門

**李氏**

潘溝潘登延妻十七于歸二十九夫亡苦志守節二十五年

**劉氏**

周文仲妻二年夫亡自縊者四以翁姑老邁矢志柏舟姑哀子喪氏奉養二十二年不怠守節六十五年

**艾氏**

周允中妻夫亡翁姑年邁二十一載茹苦奉親守節四十五年

**白氏**

李文宣妻十三年夫亡家貧孝事翁姑二十餘年孫敏樹同治庚午科副榜皆氏訓教之力守節五十二年而卒

**劉氏**

千總肇基之女陳裕妻于歸未滿三月夫亡欲殉念翁姑奉養無託苦志盡孝越二載翁歿遺夫弟妹皆幼爨火莫繼常貸母家以糊口後弟授室妹子歸皆氏爲之經

營守節四十六年卒

**劉氏**

蓮生王振麟妻監生書升之母十八于歸七載夫亡翁姑在堂子住俱幼且祖翁姑衰邁朝不慮夕氏養老撫幼守節四十年卒

**程氏**

永邑拔貢程震女凹裡村趙重華妻于歸四載夫亡孝事翁姑撫子成立守節五十三年

**張氏**

武舉張奉先女可樂灣裴建陵妻于歸二年夫亡姑年逾八旬氏扶持曲盡孝道守節三十九年

**劉氏**

歲貢劉會全女李其枚妻于歸三載夫亡克盡孝道守節五十五年

**茹氏**

沈雲昌妻夫亡後姑失明左右奉侍無少怠守節五十二年

**董氏**

沈屯沈振德妻夫病僮僕于歸數載夫亡事翁姑盡孝教二子桂林彥林曾成立守節三十八年

**樊氏**

陳廷書妻于歸五載夫亡翁姑年老多病氏奉侍湯藥日夜罔懈守節三十八年

**張氏**

王建元妻于歸四載夫亡姑老多病曲盡孝道守節六十一年

**劉氏**

彭振乾妻夫亡事翁姑善體親心訓子義方守節四十六年

**辛氏**

儒童張壁妻幽閒貞靜恪守婦道守節四十九年

**趙氏**

王良貴妻夫亡翁姑皆八十餘歲子甫一週家極貧綿紡度日養老送終守節三十九年

**安氏**

馬永祥妻夫亡姑病瘋狂侍湯藥弗少懈夫弟幼撫養成立娶以延宗嗣守節三十九年

**趙氏**

楚金相雙祧之妻夫亡家貧親老子幼紡織度日均守節四十年蒙學院何公旌以孝慈兼全

**楚氏**

趙貴妻于歸五年夫亡婦姑失明家貧無依氏曲盡孝道艱苦備嘗守節四十三年

**劉氏**

張思聰妻于歸七年夫亡事翁姑撫孤子克盡婦道守節二十二年

**王氏**

李叔元妻夫亡後飲泣不使翁姑知假額已以奉養終身如一日守節四十年

**胡氏**

儒童陳玉峰妻  
守節五十二年

**王氏**

元村錢增田妻十八于歸一年夫亡家貧矢志守節孝事翁姑翁姑歿庶姑馮氏喪明氏亦事之極孝後取堂姪志仁以延宗嗣現年六十三歲

**郭氏**

水磨頭劉小山妻十九于歸七年夫亡乏嗣家貧矢志無他事親以孝親歿經營殯葬委曲詳盡現年五十九歲

**亢氏**

馬朝溝梁朝相妻十六于歸五載夫亡翁姑在堂遺孤尙幼矢志堅貞守節五十年道光辛巳建坊

**楚氏**

馬朝溝梁心鑑妻十八于歸一年夫亡家貧氏拮据調停苦節五十四年

**郭氏**

馬朝溝梁國垣妻二十八夫亡無出孝事翁姑堅操不改取姪心靜爲嗣守節四十年

**趙氏**

水溝廟王登全妻性純孝姑病重氏潛割臂肉奉姑食之而愈子女皆未之知

**趙氏**

水溝廟剛元魁妻年二十三夫亡無出殯夫後歸省與父訣返自縊里人上其事邑侯劉勒碑旌之

**詹氏**

馬朝溝梁國弼妻二十一歲夫亡無出誓志堅貞七十六歲辛里人以霜嚴松翠旌其門

**杜氏**

韓城監生李智妻翁翁如年六十四病久弗痊氏潛割左肱肉餵飭以進翁病遂痊

**戴氏**

高三多妻于歸三年夫亡祖翁姑俱躓八旬翁姑亦老氏竭力侍養守節五十六年



閻氏

魏庄沈廉妻十七于歸十八夫亡矢志柏舟孝事舅姑鄰里以匾旌其門

侯氏

婆婆廟馬長明妻夫亡姑已六旬子未週歲飲冰茹蘗紡績度日苦節五十九年

陸氏

魏庄周揪子妻十七于歸三月夫亡姑孀家貧織紵以供志堅金石守節三十五年

馬氏

東馬村苗萬松妻二十七夫亡子四歲祖母與姑俱老家貧紡織奉養姑病三年同床未離現年六十七歲

吳氏

魏媪楊萬梅妻年二十六夫亡遺孤苦節四十一年儒學康公匾其門曰止水幽蘭

高氏

金澤常楊玉林妻年二十二夫亡堅志紡績嗣姪課讀守節三十六年

陳氏

金澤常楊玟妻十七于歸二十一夫亡子幼節凜冰霜志堅金石守節四十二年

盧氏

魏庄許三善妻二十八夫亡家貧勤織紡以盡孝姑病氏左右侍奉無少怠苦節三十九年

周氏

于村郭友益妻于歸六載夫亡撫孤成立守節三十八年

李氏

李庄李長春妻二十五夫亡誓不嫁閉戶紡績事姑撫子以壽終

**趙氏**

上蓮慈德操綱妻十八于歸三載夫亡姑逝翁繼娶周氏未久翁歿氏事繼姑亦孝守節五十一年

**李氏**

郭登學妻十七于歸七年夫亡氏念翁姑衰憊難捐生遂矢志奉親守節六十一年

**趙氏**

十四村監生衛達選妻姑歿夫季弟未週歲翁憂其不能存棄之野氏請於翁逾野抱回乳哺撫養遂以成立里人稱之

**安氏**

東高美馬永祥妻十八于歸八年夫亡勵志數十年恪盡婦道痛夫乏嗣爲夫弟娶妻納妾生子以延宗嗣學院何公以孝義兼全旌之

**陳氏**

魚泉趙中順妻夫客死不歸家無僮石姑九十六歲氏出入扶持繼以膏負每至冬夜爲姑溫足畢始勤紡織四十年如一日

**王氏**

西官庄王兆吉妻十七于歸一載夫亡家貧親老苦節五十餘年

**董氏**

楊村生員張耀南妻十七于歸二十六歲夫亡事翁姑教子任殷勤周全守三十年

**郭氏**

上庄周有德妻十八于歸三年夫亡守節四十餘年里人豎石表之

**張氏**

東柏坡高魁元妻十八于歸一年夫亡孝事翁姑取夫兄子折桂爲嗣兄嫂繼逝三子二女皆氏撫養里人賢之

**王氏**

韓城孫如山妻壬戌之變偕女逃難與賊遇託爲媾渴入廚覓飲暗藏廚刀劈女仆地亦自刎殞死

葛氏

孫順里張丹霄妻十九于歸二十六夫亡堅志守節死矢靡他現年五十九年

王氏

丁灣丁錦堂妻十八于歸二十六夫亡遺一子甫二歲奉養翁姑教諭子孫苦節四十六年子逢庚孫蔘松俱入庠壽七十二歲

梁氏

郭士道之母勤儉治家命士道於村南創立茶房三間又捐地五十畝爲經久計

張楊氏

東庄人年二十二夫亡無子姑老惟勤紡織以供甘旨取夫姓爲嗣苦節五十三年

秦苗氏

東庄人年二十五夫亡遺子仁甫三月翁姑俱衰誓死養親撫孤守節四十八年

王楊氏

東庄人年二十三夫亡子致順在襁褓姑衰老氏恐姑疑有他志自誓以安其心事夙尤謹撫子成立壽七十六歲

李氏

任水昌妻年二十七夫亡守節慈孝恭順現年七十一歲

朱氏

亢連登妻十六于歸十九夫亡臘五月生子根海賢孝溫惠一生無疾言厲色

馮氏

王金榜年十九夫亡守節越五十載身故繼子大士爲之請建坊

楊氏

楊夢蘭之女人年十六適劉姓二十五夫亡守節二十一年卒

**張氏** 朱璧鮮妻年二十八夫亡守節二婦李氏亡遺一子一女氏撫養爲己嗣佐夫弟霞鮮經理家政井井有條里人賢之

**吳氏** 官莊寨王喜德妻二十守節取夫姪三法爲嗣織紡度日以勤儉起家

**胡氏** 劉萬福妻家僅資二十一歲守節姑老亦守節多年病久思肉不獲氏割臂肉和藥以進姑病遂愈又二十年卒

**王氏** 平泉張一心妻十六于歸踰歲夫亡謹守閨訓未嘗至中門勤儉而家取夫姪奉先爲嗣中癸酉科武舉

**李氏** 李士元女十九適三鄉馮姓三月夫亡守節五十五年壽八十六歲

**張氏** 沈鵬飛妻姑病疫人皆避之氏獨左右不離默禱願以身代姑遂愈守節三十七年

**張氏** 關友妻于歸後家極貧勤紡織以孝翁姑生一子少亡後翁姑及夫相繼逝守節茹苦四十四年

**郭氏** 舊關張如璧夫亡遺子一女二氏教子耕讀訓女紡織守節六十餘

**郝氏** 西城里石朝仁妻年二十四歲向治壬戌晚匪裏脅罵賊不屈遇害

**李氏** 西城里石金生妻十五于歸二年夫亡痛哭欲殉翁姑力勸乃止慨然奉養數十年無懈盡後取嗣承祧壽六十有餘

**衛氏**

守印妻十七于歸二十七夫亡一子背父生氏  
矢志栢舟孝事翁姑撫養孤弱現年六十四歲

**王氏**

官庄寨孫琛妻十八于歸二年夫亡事祖姑及翁  
姑無懈取夫姪爲嗣教子成立守節六十二年

**張氏**

下河頭劉羣之妻十七于歸二十  
九夫亡矢志守節現年七十二歲

**王氏**

張功臣妻年二十七夫亡事姑  
至孝勤儉持家現年六十五歲

**許氏**

河東村王治龍妻二十  
五夫亡守節五十二年

**高氏**

史溝村史萬鑑妻十九于歸二十三夫亡翁病癱  
痰臥床不起氏奉事湯藥十載不倦守節十二年

**丁氏**

城內陸士儒妻十八于歸二十七夫亡遺二  
子幼家貧織紡度日撫子守節四十九年

**茹氏**

衛屯沈連昌妻二十一于歸二十七夫亡遺子  
清桂氏事姑撫孤冰霜自勵守節五十八年

**張氏**

衛屯沈鵬飛妻十七于歸二十五夫亡無嗣  
翁姑恐有他志氏憑血自誓守節三十九年

**劉氏**

衛屯沈玉璋妻十七于歸二十六夫亡遺三子俱幼姑亦  
繼歿翁嫠而衰家給不足氏織紡度日守節四十七年

**王氏**

坡底村屬洞妻二十四夫亡孝事  
孀姑取夫侄中選爲嗣歿後建坊

**孫氏**

留村潘化南妻十六于歸二十四夫亡一子甫三歲氏欲殉夫轉  
念子幼翁姑老而止厥後生養死葬子亦成立守節五十八年

**何氏**

鎖家營崔廷棟妻年二十夫卒祖姑九十餘姑七十餘家貧子幼氏紡績奉養克  
盡婦道姪甫二歲亦失怙恃又撫子成立以壽終邑令鮑公旌其門曰壹德垂芳

**陳氏**

鎖家營崔逢山妻于歸二年生一女夫亡守節逾年姑又亡  
遺子未離襁褓氏慨然乳哺撫叔成立取其子爲嗣以壽終

**李氏**

閑和里鎖家營崔金山妻二十一夫亡無子依翁  
姑養老送終堂姪始生取以爲嗣壽七十四歲

**金氏**

閑和里李家營李春芳妻于歸三  
年夫亡守制盡哀終夫喪自縊

**李氏**

尋村陳玉成妻二十九夫亡子僅數  
歲奉姑惟謹撫孤成立壽八十六歲

**劉氏**

尋村監生楚雲鵬妻年二十七夫卒事翁姑愈謹七十  
三歲以壽終嘉慶八年訓導陳公旌以松筠比操匾額

**趙氏**

八里堂石玉蘭妻十九于歸二十八  
夫亡子庚寅尋卒苦節五十二年

**王氏**

義渠村趙大昇妻十七于歸二十六夫  
亡遺子呼闡氏苦節撫孤現年六十歲

**穆氏**

穆家店楊其彥妻二十五夫亡氏養親撫孤克盡婦道現年七十五歲

**曾氏**

魏庄張瑞妻夫亡家貧遺子吉福吉亮俱幼氏養親撫孤備極艱辛守節四十餘年

**韋氏**

泊二里坡頭苗廷俊妻二十八夫亡遺女二家貧紡績度日仰事翁姑俯畜二女爲夫取繼苦節四十餘年

**爨氏**

坊二里東關從九品呂文亮之母二十六歲夫亡姑老子幼苦節五十五年壽八十一歲

**朱氏**

段村劉堯天妻二十一歲夫亡養老撫孤守節七十五年邑侯劉公以節孝雙全旌其門

**董氏**

例贈宜人武進士黃建德妻年二十七夫逝宜人孝事翁姑柏舟矢志苦節二十餘年而卒堂姪武生振川承嗣

**馬氏**

陳庄陳虎妻家奇貧翁早沒年二十夫亡更鮮兄弟惟叔翁有二子甫數歲姑與媵母亦相繼沒氏勵志守貞紡績度日撫二叔成立娶妻生子後取二叔之子以繼夫

嗣年逾六

十而卒

**王氏**

郭凹村孫五常妻十七于歸歲餘翁夫偕亡無出姑老氏朝夕未養未嘗少懈後取繼以承夫嗣迨姑三週祭畢而亡

**章氏**

東趙保張玉精妻二十四歲夫亡遺腹一子奉事雙親撫育弱孤苦節四旬餘

王氏

東趙保張得琪妻十七于歸七日夫亡貞靜自持親族鄰佑罕有識者年五十八歲卒

苗氏

東趙保張汝恭妻年二十八夫亡翁姑已老二子俱幼氏孝慈兼盡現年六十餘歲

索氏

東趙保謝重恩妻十八于歸二十三夫亡無出姑歿氏力勸翁更娶生二子翁與繼姑先後歿氏撫二叔成立得延宗嗣皆氏之力現年六十三歲

李氏

潘溝潘登廷妻十七于歸五載夫亡家貧矢志守貞光緒丁丑歲荒其母家迫欲嫁之不得竟以餓卒時年四十七歲

蔡氏

東趙保監生馬騰甲妻二十七夫亡孝事翁姑撫養幼子飲冰茹蘗三十餘年

楚氏

趙道之妻十歸五載夫亡姑失奉養愈謹五十二歲卒

宋氏

西城里石有禮妻二十九夫亡僅一子氏上事孀故以織紡起家教子成立守節二十六年

王氏

柴均里丁灣丁士選之妻十八于歸二十八夫亡謹事翁姑恪守婦道壽八十一歲卒

閻氏

在城縣前商海貴之母十九于歸二十五夫亡紡織餬口撫二子成立苦節三十五年

聶氏

陳維雲妻十八于歸二十四歲夫亡遺子三歲家甚貧氏孝事翁姑織紡度日卒年九十五歲子文仁先母歿妻黃氏十九守節撫子廷玉成立卒年五十五歲



**張氏**

泊二里晁溝村楊杰妻十七于歸六載夫亡欲以身殉念上有孀母下有弱弟勵志沐霜操井臼勤家務事母撫弟守節三十四年

**郝氏**

受安里東坡村何守仁妻夫亡守節履潔懷清奉姑養子乾隆四十五年教諭陳以松柏其操旌之

**楊氏**

受安里東坡村何廷魁妻二十八夫亡守節事翁孀孝取姪承祧年八十二歲士林旌之

**郭氏**

楊玉全妻夫亡紡績度日甘貧守節里人稱之

**仝登魁**

之母龍一里岳社村人節孝兼全建坊入祠永垂不朽

**仝氏**

龍二里王顯晉妻年二十夫亡貞節五十餘年

**陳氏**

長嶺村石泰陽妻十七于歸三載夫亡無子氏勸翁娶繼室生子琮玉又取監生荆玉之子煉成以承宗祠矢志沐霜守節三十三年

**張氏**

監生楚維城妻十八于歸二十夫亡矢志沐霜孝事翁姑取姪心芳爲嗣壽八十歲鄉黨稱之

**周氏**

楊村武生李虎變之妻二十七歲夫亡苦守節節孝事翁姑終身不倦壽六十病故

**劉氏**

谷玉棟妻河下村人十七于歸二十九夫亡遺二女一子西方庚方一歲績紡度日養姑姑年八十一歲卒殯殮盡禮爲女擇配子成立卒時年七十三歲

**詹氏**

三鄉鎮范振聲妻于歸數載夫亡氏堅貞自守奉旨建坊

**趙氏**

三鄉鎮李容光妻恩貢生侯選州判耿南之母歲貢生鳴鶴之祖母年二十八夫亡遺一子八歲貧甚上事翁姑下撫弱息家道以昌曾孫玉鈿入庠里人立節孝碑表之

**苗氏**

歲貢苗作哲女庠生谷藍田妻性端莊孝事翁姑相夫訓子勤儉治家鄉黨奉爲闔範八十歲卒

**馬氏**

西南留村庠生王家麟妻幼端莊穎悟過人能讀孝經論語古人嘉言懿行善事翁姑後夫亡訓子義方三子俱入庠鄉黨稱賢七十歲卒

**陳氏**

金霖電楊伸妻乳姑慈姪壽八十八歲五世同堂里人以匾旌之

**王氏**

韓城里趙錫之母族人以虧倉穀二百四十石繫獄時錫幼氏慨然鬻產代償邑侯陳公以仁厚可嘉旌之

**賈氏**

黃有智妻治家有法常以濟貧拯困力勸其夫有侯姓者媳臨產房主惡俗忌逐之氏言於夫使居己室人皆稱之

**趙氏**

趙永和之姊適曹姓以貧故與嫂異居永和省姊憐其貧歸白父爲治良田四十畝氏招兄嫂仍同爨如初

**王氏**

柳泉州判高蔚炳之母現年七十六歲惻隱好施光緒三年大飢婦女逐隊嗷嗷待哺氏愷惻普濟時作繻補登屢濡其子放賑人呼爲衆人之母云

**張氏**

孫成泰妻姑病割肱和藥奉之尋愈現年六十六歲

**宋氏**

魏林山妻夫亡遺子九歲家貧氏善事翁姑紡績教子閭里重之子樞蔭弱冠入庠

**劉氏**

黃鳳泉妻事垂白孀姑以媳代子撫幼子以母兼師晝夜教誨子瀛洲庠生

**許氏**

韓城人許用中之妹超銘之妻幽閒貞靜能解烈女傳孝經等書厥後姑病篤氏每夜禱願自減壽以代姑病尋愈鄉黨稱之陝西白水縣知縣王公希伊選有懿行歌

及賢孝序表之並紹武府知府程公霖有匾旌其門曰名孝遺風

**楊氏**

歲貢生李鳴鶴妻庠生玉鈿之母家貧織紡度日事舅姑至孝相夫訓子克已成立里人稱賢孝焉

**貞烈**

**梁氏**

西馬村布天樂妻二十五夫亡遺子一週守節撫孤光緒丁丑大飢將子託於娘門自縊而亡

**張氏**

城內督農司李天祿之子春華妻二十于歸數月夫亡奉事翁姑曲盡孝道後取夫堂弟庠生鳳台之子時亮承祧壬戌三月匪至投井身亡苦節三十二年

**李氏**

李天祿繼室壬戌匪至與媳張氏同投井死

水氏 馬朝溝梁國屏妻二十八夫亡遺子心貞四歲矢志守節事姑教子心貞以縣試冠軍入庠未幾心貞歿其婦劉氏祇有二女水氏爲取姪孫承祧壬戌匪至劉携幼女

投井死水氏七十五歲卒

梁氏

馬朝溝梁國翰女適三鄉鐵李姓暗匪入境奔山遇賊投崖死

姬氏

黃河監生蘇萬盛妻夫亡孀居十三年壬戌賊至投崖死

田氏

關爺廟溝常致昇妻二十二夫亡翁姑俱早歿夫弟年十八未婚氏念家無餘下勢介嫌疑送葬時即欲身殉親族勸慰且念生母禫祭屆期遂止越三日祭母歸弟送

至中途慨然曰吾大事畢不復入田氏門是夜仰藥而歿

李氏

三鄉鐵何之俊妻十九于歸六年夫亡遺一子撫孤守節十有七年壬戌匪至罵賊遇害

李氏

南驛頭王希天妻夫亡躬爲營葬隔宿自經

孫氏

福昌村王文魁妻賊虜其夫不從殺之氏且號且罵賊撲之投崖死

田氏

蘇河董性之妻壬戌三月爲賊所掠義不受辱賊劫之以兵觸刃而死

一門三烈

一王氏孫如恒之妻一王氏孫如玉之妻壬戌賊至相携投井死堂姪履謙妻趙氏亦從之死

李氏

恩貢生王德盛妻事家人避難於栢山賊至子婦黃氏張氏泣謂曰事急矣兒等當死奈姑何氏厲聲曰同死耳何泣爲二婦卽投井孫女二俱未及笄驚走氏執而推

之身繼其後賊縋之上轉身復投賊怒下石糜爛一井不可辨織三子之妻李氏亦赴河死

評氏

昌寶安妻少寡家甚貧子三歲績紡撫孤值大饑愈不支族兄寶恕招氏與子就食己家氏日以斯藐諸孤無爲餓藥得延夫嗣足矣氏又何以生爲不食而死

張氏

庠生王作賓之子儒童鳳起之妻同治壬戌三月罵賊而亡

楚氏

儒童樊林書之媳同治壬戌捻匪至投井身死

潘氏

庠生王玉甲之子鳳泉之妻同治壬戌匪至投井身亡

馬氏

西城里石占魁妻二十五夫亡無子姑老家貧苦節二十二年壬戌三月聞賊至投井死

黃氏

甘棠張汝清妻同治壬戌晚匪竄至氏携子女投井水淺不能死至晚村人歸救出次日賊又至氏度不免遂雉經

史氏

水碓鎮祁來娃妻二十七夫亡姑老家貧惟勤織紡以供甘旨光緒三年大飢其叔欲奪其志氏覺遂更衣自縊而死

**水氏**

庠生周愛棠之母壬戌之亂氏勸夫及長子遠走時愛棠僅八歲抱於懷一少年賊呼使造飯氏怒曰吾長子長汝一籌吾甯爲汝竈下養耶賊怒以刀刺其脅屬益厲賊以刀運斫斃之復移屍村中聚穀草焚之忽大風雨賊去火亦熄屍得無恙

**李氏**

王肇基妻同治元年匪亂避難王培姑常氏抱孫西方於懷賊奪之姑弗與賊以刀砍姑奪之而去氏急裂衣衿裹姑傷轉瞬間姑投於井氏亦投井死

**尹氏**

王增福妻壬戌之亂偕女及媳避難鐵爐洞中賊數來攻洞氏度不能保乘夜下洞促女及媳自縊氏亦投縊死

**程氏**

西城里石富超妻年二十八歲同治壬戌皖匪入村投井死

**石氏**

陳萬里妻十七于歸五載夫亡撫弱子以延宗嗣未及三歲子亡迨夫諱辰號泣終日闔戶自縊

**許氏**

彭永順妻同治壬戌遇亂避洞中賊攻洞欲虜以刃支其項氏冒刃撲外墜洞身亡

**一門雙烈**

城內陳廷拔之女長二十一歲適白繼祖次十六歲未笄壬戌城陷姊妹投井死

**劉氏**

東關庠生呂景姜之母索明婦道教子嚴厲壬戌三月聞賊越北城率親族鄰右二十餘人出南門逃難方至城門賊擁擠而入搶掠首飾氏舞杖以體賊怒鞭氏倒地

被人馬踐  
斷臂亡

一門四烈

茹氏高橋監生郭明德妻壬戌匪至率二女長女適湖北施南府同知周文會次女適監生沈文鏞及長婦劉氏均避賊城內城陷氏與二女一媳俱投

井死

穆氏

城內胡金章妻壬戌匪至城陷投井而死

翟氏

劉文先妻增生翟慎胞姑壬戌皖匪陷城罵賊不絕口投井死

張氏

城內翟逢全之母皖匪陷城被賊逼脅大罵不屈身受數鎗而死

賈氏

中石村張海之妻光緒丁丑饑饉無度被夫遠賣氏泣曰吾卽死義不受辱夫不允賣之氏聞至夜自縊而死年二十歲

蔡女

白楊鎮蔡西銘之女年十七未笄同治壬戌在城避難城陷投井死

孫女

楊店村孫月德女年十七同治壬戌皖匪竄境逃避山中遇賊不屈賊以刃碎其屍

馬女

苗馬村馬龍升女年十八同治壬戌皖匪至逃避山中遇賊罵不絕口賊裂其屍

張氏

監生陸達泰妻克執婦道素嫻姆儀年六十歲同治壬戌匪至陷城投井死

**趙氏**

城內監生張東昇妻同治壬戌城陷  
賊身被重傷投井死年六十三歲

**張氏**

甘棠寨王鳳起妻年二十六同治  
壬戌避難城內城陷賊被害

**高氏三烈**

一福昌李學仁妻一沈屯沈兆廉妻皆東官庄拔貢高月桂之女一新安  
縣呂文潮妻從九品高攀桂之女同治壬戌避難城內城陷俱投井死

**一門三烈**

丘氏張煥文妻李氏子夢齡妻馮氏姪春榮  
妻同治壬戌賊匪陷城三氏俱罵賊被害

**谷氏**

下河頭村農官李荷林妻賦性貞靜  
同治壬戌避難城內城陷投井死

**檀女**

毛溝人年十七適子房村張姓同治  
壬戌賊匪竄宜強脅之去大罵遇害

**楊氏**

溝頭村張麟經妻十八于歸同治壬戌  
匪自宜城南竄鳳凰距村數里氏投井死

**陳氏**

尋村楚綠旺妻李隨同治壬戌皖匪至夫婦扶母避賊山  
谷賊用矛直刺氏以身蔽中喉而死其夫負母以逃幸無恙

**董氏**

沈屯人沈雲五妻皖匪陷城賊  
脅之進營罵不絕口賊斷其首

**張氏**

西趙保王維慶年十九夫亡誓不再嫁夫家  
遺伸為賊擒擄人妻三日自縊於地



王氏

小寨村李清德妻十八于歸教職夫亡遺腹子上事翁姑  
下推弱孤孝慈兼備後子復爵氏仲天麟泣投繯而卒

王氏

下河頭監生陳鳳岐妻增生隨如繼母性行淑婉善事舅姑同治壬戌聞  
賊至氏舍其子舉如負前子躍如入城城陷投井死隨如舉如俱無恙

崔氏雙笏節

壬戌匪至開厰鋪崔文秀妻姚氏與其  
妹避賊山中誓不受辱賊至皆遇害


王氏

龍二里凹裏村趙來瑞妻年三十歲同治  
元年賊到馬不絕口抱子携女同墜井死

補遺

節孝

陳氏城南長嶺村石中玉之妻年十七于歸歷五年而寡孝事翁姑矢志靡他同治元年捻匪猝至姑方病氏負之避幽壑中得免於難亟勸翁納側室生弟宗玉時氏有從子練成年方五歲取爲夫嗣愛如己出翁姑既歿撫視弱弟俾同練成就傳學躬自與家人共操作至老不倦享壽八十四歲光緒三十二年蒙學使奏請以節孝旌



藝文

河出圖洛出書千古之治化由此開千古之文明亦由此啟宜陽襟洛遡河誠斯文薈萃之所甘棠三章尙矣唐宋以來長吉多材棲息昌谷思叔穎悟親炙程門元遺山辛溪南復唱和於金元之際遂使女兒柳泉間絃歌不絕至有明一代則鳳泉少保橋梓蔚起豈亦所謂人傑地靈者然歟雖今不古若後塵難步然或紀事有作感懷有詞苟可以爲文獻之徵卽不得以文藝之末而弁髦視之也志藝文

張思叔座右銘

凡語必忠信凡行必篤敬飲食必慎節字畫必楷正容貌必端莊衣冠必肅整步履必安詳居處必靜定作事必謀始出言必顧行常德必固持然諾必重應見善如己出見惡如己病凡茲十四者我皆未深省書此當座右朝夕視爲警言志

按思叔爲程門高足祀之鄉賢久矣前此光緒十六年學使邵按臨河郡邑人士公稟奏請入從孔廟祀未蒙報允茲特錄座右銘一則固非可以藝文例也然卽以藝文讀之亦足興後學景行之思故錄之於此

疏

諫脩興泰宮疏

唐盧藏用

陛下離宮多矣又窮人力以事土木臣恐議者以陛下爲不愛人而奉己也且頃歲穀雖頻登而百姓未有儲積陛下巡幸訖無休息斤斧之役歲月不空而又廣宮室臣恐下未易堪

府志

考會要武后長安四年毀三陽宮取其材木造興泰宮於壽安縣之萬安山左拾遺盧藏用諫不從惜疏無書可查茲謹照府志所載錄以備覽

謝恩疏

明王邦瑞

欽差巡撫寧夏等處地方都察院右僉都御史臣王邦瑞謹題  
原任陝西布政使司右叅政丁母屈氏憂回籍守制嘉靖二

十六年二月內起復到部本年四月初一日議吏部等臨門會  
題奉聖旨王邦瑞陞都察院右僉都御史巡撫寧夏等處地方  
寫勅與他欽此欽遵臣隨赴鴻臚寺報名謝恩訖續蒙聖恩賜  
臣勅諭並符驗各一道及酒飯實鈔者臣俱祇領於本月二十  
六日辭朝起程至七月二十四日行至本鎮准先任巡撫寧夏  
等處地方都察院右副都御史李士翱咨送關防一顆並吏卷  
到臣當日接營行事訖竊念臣草茅賤品襪線微才性本凡庸  
學尤疏淺生唐虞之盛世沐棫樸之休風濫竽甲第蹉跎三十  
餘年糜祿公儲中外十有二任叨玉璽之陶鎔蚤蒙鴻造奉綸  
音以任使屢被龍光歷藩臬則五任於關西職兵糧則參謀於

塞北中罹家庭之厄四嬰怙恃之艱出則素餐入則銜恤是以  
涓埃未就徒媿明時犬馬自傷不忘報主恭遇皇上德並義皇  
功同堯舜端拱九重禮樂興而天下順治光被四表聲名溢而  
蠻貊尊親先天後天之化天且弗違覆物載物之仁物皆咸若  
顧乃安不忘危豫以思患頃因醜類之鳴張遂厲聖心之震怒  
明見萬里而大破因循威震諸邊而不昭光烈先機獨斷於宸  
聰決勝又籌於帷幄謂師旅不當惜費捐內帑百萬之資思經  
營要在得人慎闔外一時之選不徒宵衣旰食之憂當有掃穴  
犁庭之績此我皇上聖功神化媿三皇而軼五帝報千古而酬  
百王者也值以靈夏之區偶乏保釐之任詎知簡命誤及微臣



竊惟章句之小儒繆興兵農之大計拔諸沉滯賜以殊遷西臺  
峻秩殊無振紀之才朔鎮雄藩奚副干城之責捫心抱媿揣分  
踰涯感天高地厚之恩雖隕身而莫報當河帶山披之寄惟勦  
志以圖安傾葵藿以摠寸丹策駑駘而效千里仗皇猷之廣運  
遵廟算以選宣曰兵食曰紀綱是爲切要若撫綏若戰守相乃  
機宜仰憑天日之威奉揚神武俯恃山河之險重輯人和昔張  
仁愿築城之計彼當其難在范仲淹經略之時今居其易雖願  
學而未能期周咨以從事伏願聖慮少紓會華夷之歸於有極  
天保孔固享億萬之壽於無疆

臣瞻天望聖無任感戴惶悚之

至謹具題

分豁協濟驛站疏

郭儀

宜陽縣石村保一里民郭儀謹奏爲陳請乞恩分豁奸民指稱協濟勒要銀兩變亂成法以便民情興利除害事

臣伏觀詔書

內一欵凡朝廷政治得失天下軍民利病許諸人直言無隱欽此欽遵

臣見得本縣亦有至正十四年碑記一統內開新安縣

奸民隱藏戶計止有三百人戶路當衝要諸王經過夫馬浩大宜陽僻縣協濟新安延祐七年宜陽民郝思明等告蒙本路查得新安所管奸民一十一保實爲糧冊九百三十二戶隱藏戶計二倍之上備申本省乞將宜陽縣常川協濟革去見有碑記爲証該縣不行遵守又申巡撫巡按分守衙門轉行使司劄據

行準分守河南江參政咨據河南府申蒙轉行新安縣照舊按  
遞不必協濟已經回報見有卷按備照臣等宜陽其初協濟新  
安只是元朝年間因諸王經過被新安止有三百人戶宜陽僻  
縣暫行協濟新安自洪武以來並無諸王經過緣何宜陽常用  
貼銀協濟今新安縣又添增二十里人戶可勾二千二百餘戶  
雖係衝要見有驛遞衙門三處夫馬牛驢車輛防夫等役各處  
偏僻州縣錢糧人戶又有洪武年間充發馬匹接遞應當亦不  
負新安縣人民臣等宜陽雖稱偏僻土居山峽民貧差多所管  
地面以十分爲率山水所占者八止存二分秋夏稅糧肆萬餘  
石起運草四萬餘束聽差銀兩加倍新安又有衛輝河夫逐年

之累趙穆二巡檢司弓手之役又被洛河水坍沙壓石蓋地土有坊郭保民人張通等指實丈量數千餘畝則宜陽所有新安所無新安亦肯替宜陽代出否臣等見宜陽協濟本府澗池縣義昌等驛遞四處驢牛馬夫正副頭疋共三百七十餘名防夫二十四名今被新安縣知縣陳傑主使奸民郭淋倚逞刁潑駕捏本一片虛詞妄奏元朝廷祐元年革代協濟碑文於正德元年八月內進本捏稱諸王公侯駙馬大臣經過妄奏宜陽常川協濟六分要宜陽每歲出銀三百五十兩雇夫應當今新安縣實有二十里人民增添二千二百餘戶不期奸民郭淋生起奸心隱藏戶計止奏一千人戶妄爭宜陽自古額設里分閑廐等

保撥付新安併爲一縣願是郭淋變亂成規今因新安縣委的  
富盛膏腴地廣窖冶大興金火爐鑄造鐵器並磁器窖廠日出  
萬貫有利無害又有宜陽協濟六分官地所蓋大小房屋約千  
有餘間仍享其利元朝廷祐至今二百餘年奸民猶然不足蒙  
奏勘合類行河南御史王案行布政司轉行本府委沈通判會  
同同本縣知縣張潤吏馬廷用拘集里老段杲并軍民書手二  
百八十餘名到官體勘郭淋所奏前事妄爭里分變亂成法仍  
奏協濟銀兩查卷革去勘官未曾歸結張知縣陞去此時宜陽  
里老並無供詞一向不知認到銀兩等情沈通判去訖不知捏  
何緣故呈府蒙申巡按准行本府貼仰宜陽縣替新安出函關

驛館夫銀二百四十兩待審均徭之年洒派宜陽七十一里八戶每里三兩永爲經久臣係被害情實難堪思得祖祖輩輩永累宜陽百姓臣若不預先具奏誠恐大造均徭之年臨時難辯如蒙准奏緣係民情臣查天下衝要驛路偏僻州縣並協濟貼銀事例查臣河南一府偏僻七縣偃鞏登永嵩盧俱是偏僻並無協濟貼銀事例何獨臣一縣不免於難被新安縣奸民妄指前朝革代協濟碑文逐年捏告見今朦朧奏擾伏望皇上俯察下情困苦乞勅都察院轉行巡撫河南監察御史處調查新安縣軍黃籍冊勘前延祐元年民三百餘戶及今增添二千二百餘戶行拘宜陽里老劉智等並郭淋所奏原詞一同到院要見

何人在府承認協濟銀兩有無供詞卷案便見虛實分豁定奪將宜陽新添協濟銀兩查明革去各照舊版當差庶使民無重役官不素繁差銀易應臣一縣不勝感戴天恩之至乞着河南府宜陽新安各立碑記永爲遵守臣若奏虛敢當斧鉞之誅爲此偏虧具本親賚謹奏聞正德三年二月初十日准勅都察院勘合類行河南巡撫監察御史批布政司查照原案從議處回報施行將議與新安郭淋劄發理問所議處得如遇調發軍馬等項事情卽撥夫馬前去新按照舊協濟若尋常接遞照舊施行原議館夫銀二百四十兩仍令新安辦納備由回都察院仍行兩縣遵依施行正德五年立石

論

韓非論

蘇軾

聖人之所謂惡夫異端盡力而排之者非異端之能亂天下而天下之亂所由出也昔周之衰有老聃莊周列禦寇之徒更爲虛無淡泊之言而治其猖狂浮游之說紛紜顛倒而卒歸於無有由其道者蕩然莫得其當是以忘乎富貴之樂而齊乎死生之分此不得志於世者高世遠舉之人所以放心而無憂雖非聖人之道而其用亦無惡於天下自老聃之死百餘年有商鞅韓非著書言法術者無若刑名之賢及秦用之終於勝廣之亂教化不足而法術益繁以不祀而天下被其毒後世之學



者知申韓之罪而不知老聃莊周之使然何者仁義之道起於夫婦父子兄弟相愛之間而禮法刑政之原出於君臣上下相忌之際相愛則有所不忍相忌則有所不敢夫不敢與不忍之心合而後聖人之道得存乎其中今老聃莊周論君臣父子之間汎汎然萍浮於江湖而適相值也夫是以父不足愛而君不足忌不忌其君不愛其父則仁不足以懷義不足以勸禮樂不足以化此四者皆不足用而欲置天下於無有夫無有豈誠足以治天下哉商鞅韓非求爲其說而不得其說以輕天下而齊萬物之術是以敢爲殘忍而無疑今夫不忍殺人而不足以爲仁而仁亦不足以治民則是殺人不足以爲不仁而不仁亦

不足以亂天下如此則舉天下惟吾之所欲爲刀鋸斧鉞何施而不可昔者夫子未嘗一日敢易其言雖天下之小物亦莫不有所畏今之視天下渺然若不足爲者此其所以輕殺人歟太史遷曰申子卑卑施於名實韓子引繩墨切事情謂是非其極慘覈少恩皆原於道德之意嘗讀而思之事固有不相謀而相感者莊老之後其禍爲申韓由三代興衰至於今凡所以亂聖人之道者其弊固已多矣而未知其所終奈何其不爲之所也

舊志

### 留侯論

古之所謂豪傑之士必有過人之節人情有所不能忍者匹夫

見辱拔劍而起挺身而鬪此不足爲勇也天下有大勇者卒然臨之而不驚無故加之而不怒此其所挾持者甚大而其志甚遠也夫子房授書於圯上之老人也其事甚怪然亦安知其非秦之世有隱君子者出而試之觀其所以微見其意者皆聖賢相與警戒之意而世不察以爲鬼物亦已過矣且其意不在書當韓之亡秦之方盛也以刀鋸鼎鑊待天下之士其平居無事夷滅者不可勝數雖有賁育無所獲施夫持法太急者其鋒不可犯而其勢未可乘子房不忍忿忿之心以匹夫之力而逞於一擊之間當此之時子房之不死者其間不能容髮蓋亦危矣千金之子不死於盜賊何者其身可愛而盜賊之不足以死也

子房以蓋世之才不爲伊尹太公之謀而特出於荆軻聶政之計以僥倖於不死此圯上老人所爲深惜者也是故倨傲鮮腆而深折之彼其能有所忍也然後可以就大事故曰孺子可教也楚莊王伐鄭鄭伯肉袒牽羊以迎莊王曰其主能下人必能信用其民矣遂舍之勾踐之困於會稽而歸臣妾於吳者三年而不倦且夫有報人之志而不能下人者是匹夫之剛也夫老人者以爲子房才有餘而憂其度量之不足故深折其少年剛銳之氣使之忍小忿而就大謀何則非有平生之素卒然相遇於草野之間而命以僕妾之役油然而不怪者此固秦皇之所不能驚而項籍之所不能怒也觀夫高帝之所以勝項籍之所

以敗者在能忍與不能忍之間而已項籍惟不能忍是以百戰百勝而輕用其鋒高祖忍之養其鋒以待其敵此子房教之也當淮陰破齊而欲自主高帝發怒見於辭色由是觀之猶有剛強不能忍之氣非子房其誰全之太史公疑子房以爲魁梧奇偉而其狀貌乃如婦人女子不稱其志氣嗚呼此其所以爲

子房歟

舊志

書

與宜陽令溫生德山書

有序

清沈德潛

溫生德山選宜陽令將之官同人餞之予無以贈也韓子云不以頌而以規猶古人贈言之意乎因書十有二則於左

周官六計弊吏而總之以廉無舍廉而可言治者後世以清慎勤爲官箴而亦以清爲首言必先清其心而後可慎可勤也蓋心清則寡欲寡欲則養廉之外不苟取民而有合於周官之治矣 錢糧正項萬不可撮借挪移蓋別項猶可解救而國課虧欠斷難挽回此身家性命所關甚勿偶然嘗試也 接禮上司自宜體貌恭順中心誠懇孔子固云出則事公卿也然亦不可曲意迎合有心阿比每見依倚督撫之人自謂安於磐石而冰山既傾身敗名裂貽笑天下一朝失足難於自拔也慎之慎之夾訊本爲極刑命盜二案不得已用之若無端濫刑因一時喜怒而致喪其身或殘其體者人命至重鬼神難欺清夜捫心

得無驚懼乎 怒時斷不可聽訟視事恐餘怒尙存移之堂下  
聽斷人也須平其心以求之 婦女或犯姦或大不孝然後到  
官倘偶然牽引一概免罪所以存閨範惜名節也彼書辦差役  
視爲奇貨可居婦女欲免到官需索無已且有因而含媿自盡  
者矣牌票中有涉及婦女者須一筆勾之 胥吏最善伺官長  
意巧言曲諂百方迎合又或餌以小利官憐其承順喜其幹辦  
一旦予以事權遂狐假虎威託言心腹爲害地方甚至官長首  
尾連結挾其短長其害有不可勝言者矣昔周忠介爲推官有  
吏以白湯進公飲之覺其味異明日復然詢之曰參湯也公立  
償其值曰今後更以此進吾當懲責汝矣公之不惑於匪人其

一節也此事當以爲師 親友所薦長隨不宜漫收彼先破貲

財浼人求薦此中有不可問者雖礙親友情面亦所弗惜訟師  
爲地方禍甚於毒蛇猛獸當密訪痛懲之去一稂莠良苗自植  
也捕役之縱盜誣良其惡尤甚急宜留心察訪打降亦然 興

利除弊催科撫字本地方官責所不待言境域遠近倘有抱道  
德躬孝友博學能文者當敬禮表揚之一以作衆人之則一以  
諮謀治道補己所未及也此事俗吏不知吾子勉之 衛武公

之睿聖而猶飲酒悔過中人可知也况出政臨民尤不可亂政

亂儀曾聞長洲令陳名治值藩臺劉公召飲陳劇飲大醉張目

曰劉藩司其奈我何連聲不已僚屬抑其頤謝之不半月而揭



報推軍白... 此舉於吾子尤宜... 親民之官故曰父母試思父母之於子愛護何如教誨何如若  
反乎父母之實而漫居父母之名衆卽不言猶不恤於心乎循  
署中如公生明爾俸爾祿民膏民脂下民易虐上天難欺等語  
警須觸目審心

序

少保王襄毅公奏議後序

明董堯封

今宇內以奏議名家者豈少哉顧言事易當事難草奏從容者  
易而取辦倉卒者難乃襄毅公所值更難已往世廟明聖羣臣  
莫能及而欲有以當其意則難朔方巢虜負固久我師且告訕

而會有鼓復套之議以倖功者第廟議與地方情狀差殊而欲有以兩利之則難庚戌之變強敵外凌跋扈中梗緩之則誤國急之則激亂呼吸叵測抑又難矣屬上方倚重在公而公亦以安攘爲己任不惑浮言不惕禍福屹然爲萬全龜定之圖且事勢旁午中而條對如流晷刻無少爽甚至馬上口授方略悉出成算今觀其便計若秦越人視疾察見臟腑而投禁方若庖丁運刀肯綮立解卒之回天心而定國是晚益爲先朝眷知厥有自也張中丞助甫爲少保有社稷功其知言哉封向以姻黨後進辱公接引聆宏議有年旣待罪西陲實賴祇服以多免於顯過今又得觀其全編嘗攷鏡往昔若賈太傅之治安陸宣公之

奏議世稱爲兩朝獨步而尚情義未究於用彼國策事臣耳矧  
公身任其事且當最難而乃言底績者乎嗚呼前事不忘後事  
之師有當事之責者可以鑑矣

唐志

### 修城隍廟石檻序

明王正國

嘉靖癸酉歲城隍廟修于邑令陽城衛君廟貌煥然改觀矣第  
圍檻未備月臺卑隘焚修者不雅觀也邑人邢子甫張子雲漢  
盡然心嘆不已也久之曰地不磚石而臺無圍檻非已遂約衆  
捐資僱工飾材乃命龔氏曰採石積理而黎者用疎理而丹者  
不用積理者弗剝疎理者易剝違者石弗良命陶氏曰凡作磚  
土細而厚者用土粗而薄者勿用細厚者久粗薄者不久違此

磚弗良又命衆工曰重服重輕服輕各共其服重無或逸于輕  
輕無或逸于併上有程課日有津犒故命不再申罔有糺事始  
隆慶丁卯夏四月訖戊辰春三月不期月而磚臺石檻成矣且  
西廊三間頽圯邢子甫獨捐七金新之邑人士見之咸嘖嘖稱  
嘆曰磚臺石檻自有茲廟來未見茲舉也蓋紀諸石邢子再三  
辭以故不已具而不果也至今歲已二十有五載所矣邢子見  
有廢缺輒修補如前邑人士復舉刻石故事邢子愕然曰得無  
以爲伐乎郤之其姪弟子員邢生世彥曰何伐哉夫廟之無臺  
檻舊矣伯父始創之復於廢者修之邑人士之欲紀諸石者俾  
後之人知其廢而復也則必思保之矣如其廢也知其前之復

也則必思繼之矣夫保則復者無或廢也繼則廢者或可復也皆于石也賴其伐邢子聞此言始悟刻石之爲不伐遂以予言書而刊之以識歲月云天王萬曆十九年歲次辛卯冬十二月之吉

水翁楚老父台四表壽序

清熊伯龍

古者四十始仕命爲大夫歲至而後官之蓋其慎也乃有爲大器晚成此自中材世豈無美冠玉而宰天下等終軍而立功闕外者乎雖然記曰四十強而仕時至剛然天人理數之所不能違也聖如孔子賢如孟子且必四十而始稱不惑不動矧其他乎蓋其力堅毅然後可以任天下之重而莫吾阻其才卓越然

後可以濟天下之難而莫吾擾其識周於事故然後可以解天下之紛而莫吾眩其膽壯於閱歷然後可以貞天下之運而莫吾懾其學達於禮義然後可以應天下之變而莫吾窮是故過則聖及則賢不及則亦不失於令名而耄耄期頤不與焉何也聖賢以萬世爲壽令名則亦以方州部家爲壽其爲耄耄期頤也奚啻千什哉吾同譜張越青都諫指計中州人物道邑侯楚父台水若先生甚悉則令名無窮焉侯篤生於成皋新澗之間爲天下之中嶽降之所以有申甫也家宜陽甘棠聽治在焉勿剪勿拜固吏治之祖乎跡其戚里世系以孝廉公和玉先生爲之父少司馬張玉調年伯爲之外父越青暨其兄藍儒太守則

兩舅氏也伊洛澤潯明德遠矣其食邑於公安也四歷年所凡  
軍需之飛輓驛站之煩苦期會之奔命簿書之叢錯莫不交奉  
於一人之身侯一年而治之蒿目而憂瘁躬而理難矣二年而  
治之聚米而略量沙而籌尤難矣三年而治之塵而飯土而糞  
難之難者也邑之卿大夫士以爲此四境以外事也邑之百子  
姓以爲此四境以外事也然四境以外之事而侯以四境以內  
之事分治之如登高山履危石臨百丈之淵而足外重於此而  
不眩於目忱於心豈不難哉若夫四境以內之治吾蓋觀於侯  
而知王道之易易也以撫字則勞以剔奸則斷以樽節愛養則  
備以明聽五辭則無害以敬敷五教則平易近民河陽花一縣

矣而狄門之桃李方新大堂落子來矣而學官之經畫更銳一  
年而郊關杲杲然如寶出日也二年而田萊熙熙然如登春臺  
也三年而風俗陶陶然如飲醇醪也政成則公卿大夫百子姓  
呱呱然如赤子之戀慈父母也今 上飛龍之歲雲祀南郊以  
爲加惠元元所更始則必責成於守令而侯也三載而最適當  
今陽月之朔四表之辰亦適當之於是矜士歌雲漢之章而美  
之曰東有太室西有少室四樹三花貝多成寶金馬歲星將授  
侯以長生之術縉紳先生歌湛露之章而觴之曰伊闕之前被  
玉編躑九儋陳御八瓊和宣石室飲鶴侯將吹笙於緱山父老  
兒童歌眉壽之章而祝之曰白蘭之香玉女瓊漿衡陽一雁浦



列成行騰鸞鳳於桐棘齊喬松而徜徉顧我侯輝千仞而翱翔  
孱陵之德侯如此播之閭巷而揚之 當展余乃知侯非百里  
之才如使之授祕院而直諫垣擢蘭臺而膺部使則今之難任  
猶出楚之珩剖荆之璞其英英白虹之屢見光於天下也不彌  
長乎而久乃力合於才識副於膽將以義禮爲權衡而天下想  
望丰采焉卽以爲壽在萬世固將日月升恆以俟之云康熙元  
年壬寅孟冬之吉

宜陽孔氏支譜序

清孔慶鎔

大譜爲我孔氏派衍之圖也孔氏生自軒轅傳四十九世而聖  
祖出世居闕里蓋無論焉及天順中

聖祖五十四代孫諱思仁以明經任宜陽縣訓導持身教士以聖言爲法則期年卒子幼不能還鄉諸生成懷其德爭捐資營葬於鍾山之陽又於城中西街內置一宅陳宅甘棠置有壓田遂家焉嘉靖間知縣雷中建修家廟遂享祀代有奉祀生員見於縣志設有祠堂班班可考後因族繁人衆城鄉兩居焉一居陳宅一居甘棠天昌聖嗣子孫繁衍繼繼繩繩綿綿不絕譜牒累續終無殘缺但五十四代以下至今已一十一代矣俱未纂續誠恐再傳數代世遠年湮既無見知又無聞知不惟無譜牒纂卽有知亦不能悉載也幾何不尊卑相紊長幼相淪忘一本而輕骨肉之親也哉慮及此因請於父

名衍文字天朝曰

聖祖爲萬世仁義禮樂之宗，厥其啟佑之心，誠欲後人敦禮讓，明世系，使尊者各盡其慈愛之道，卑者各殫其尊敬之禮，則孝弟仁讓之風，有而角弓聞牆之弊，黜矣。何今不仿佛萬一，竊爲曰：余夙有是志，尙未之逮。今汝克述實獲我心。洪武元年，詔免孔氏差徭，如前代舊例。正德元年，復訪天下孔氏子孫流寓他處者，准免差徭。迨我 國朝定鼎以來，仍詔孔氏子孫如前代舊制，優免差徭。汝可將五十四代以下族人，一一叙明，以便呈送興澤興浩興魯兄弟三人，唯唯聽命。訪之見知，訪之聞知。不幾時，詳悉敍成，捧送於父。父曰：汝等今纂之續之，不惟一族之衆，相爲聯屬，卽我

聖祖在天之靈亦以克慰也凡爲孔氏子孫代代相續慎勿損壞殘缺以紊尊卑之分可耳

富彥國蘇子瞻兩先生遺蹟序

清宋之容

福昌舊有縣距宜陽城五十里宋佐著作樂君宰於此築室署下問名於富鄭公公命名曰燕堂並爲之記碑在真武觀遺蹟猶存而蘇文忠公年二十五時曾調此間主簿事載東坡年譜今其城郭雖廢而兩先生之流風餘韻不與時代俱湮惜無立祠以妥其靈望古邇思景行心切嘉慶戊寅 曾攝篆韓城因公過此略序始末並爲絕句以記其事

漢古墓序

清鮑承燾

雜道光七年冬月朔日甘棠士人孫煌穴地營壘及古封域得  
鐵二鏡之類一其器數十往觀之其地丈餘築屋兩重規模宏  
敞飾掩埃封根觸露滅土人告余曰是古鏡分埋處也省其器  
爲壺爲罍爲壘隨露丹樽餘多異形不可識類非尋常得備具  
者劍質劍落兩錢彷彿古貨泉二字噫其諸漢以來顯者之墓  
歟旁一門不屋而壙一似附葬者然銘碣不傳其名渺不可得  
而知也嗟乎大漢至今二千餘年矣其間英奇磊落將相之材  
忠義滿朝廷事業滿邊域文章滿天下名載簡策昭若星日彊  
域屢更兵燹再劫世之人求其墓而不得往往於荒烟野蔓間  
憑弔唏噓其或過之而乃窆房忽啟題銘蔑然死復存其墓不

存其名山邱零落可勝悲哉夫余嘗見纍纍乎曠野與荒城矣  
家乘千言華表十丈居人鄙夷過客不顧徒見牧夫樵叟歌吟  
而上下與夫驚禽駭獸而呶嚶何也墓以人傳徒名存人猶沒  
也夫墓存而名滅未必名無可傳以視夫存而不傳者其榮辱  
顯晦何如也且烏知茲之銘誌湮沒者非卽世之求其墓而不  
得耶夫求其墓而不得而其人不必以墓傳可知也其墓之  
不必以名傳又可知也傳不傳何足論特以斧封毀烈幽魂離  
散淹沒者卽不余咎然予何能已乎爰出十緡置其地歸其故  
穴加築焉酬以清酒荐以生芻復爲歌以慰之曰河洛之濱殆  
遇偉人生而爲英死而爲靈黃腸條毀朱書不明咨嗟前哲互

古泚溟又歌曰發潛閩幽守土之責方地一域崇土四尺碣表  
新鑄魂安舊宅泚泚千秋風淒露白

考

宜陽地名考

陳光緒

宜陽之名見於國策由來舊矣證以山南曰陽水北曰陽之說  
意必有所就而名而考之志乘詢之鄉人皆不知其所謂名勝  
志謂縣在宜水之北故名宜陽似矣然考宜水爲大宋川之下  
流大宋川屬永寧源出永寧北八十里之橫塘山水經注紀昌  
澗水於一合隴三箱峭絕昌澗水即今大宋川三箱今訛爲三  
鄉後魏時尙無宜水之名則明史地理志方輿紀要所稱宜水

皆不足爲古宜陽之證又有引晉書孫登傳宜陽山以爲之解者今按宜陽山之有起盧氏熊耳山東入嵩縣爲釐山過今永寧宜陽之南是山在宜水之南不得稱之爲陽要之諸說皆從乎後其於古所稱宜陽者均未當其義獨山海經所云宜蘇之山隸於中山者按之今地在孟津縣西七十餘里正當新安之東北新安在宜陽北古之命名其殆取於是乎蓋宜陽稱於戰國山海經則夏時已有宜陽山宜水諸稱皆後人因而名之不然何不見於秦漢之書耶秦策甘茂對秦武王之言曰宜陽大縣也南陽積之久矣名爲縣其實郡也韋昭以宜陽爲韓邑屬宏農通鑑大事記謂河南府福昌縣城東南北三面峭絕天險



澗池二嶂皆在境內東嶂在永寧縣北六十里西嶂在陝州東  
南七十里二嶂相距三十五里由是二嶂而東若永寧若澗池  
若新安皆屬古宜陽地韓策秦下甲據宜陽斷絕韓之上地東  
取成皋宜陽宜陽又與成皋接壤疑今登封西北境宜陽亦兼  
而有之則其因在宜陽山之陽而爲是名也可無疑矣